



14150

III

Mag. St. Dr.

P

Carolina.

Foruncensis Coll. S. J. Planta in familiarum,
honorum, trophaeorum sylvarum exarient.

1010


930

— 80 *stan*40. *ant*

PANEG. et VITAE

Polon. Fol.

.12.193



Percy
PLANTA

931

In
FAMILIARUM, HONORUM, TROPHÆORUM
SYLVAM

Excrefcens.

A Celfiffima Stirpe DAMBSCIANA
Ad Celfiffimum SRZENIAVÆ Altum

Protensa:

Ad Hymenæi tripudia, ut ad Amphionis Cytharam Thebæ;

Inter

ILLUSTRISSIMUM
EXCELLENTISSIMUM DOMINUM D.

ANTONINUM,

Comitem in Lubraniec

DAMBSKI

Junovladislaviensem Capitaneum,
S. R. M. & Reipublicæ Rothmagistrum,

14150 m

&
CELISSIMAM DOMINAM

D. ANNAM

CAROLINAM
LUBOMIRSKA,

S. R. I. Principem, Palatinidem Sandomiriensem,
Ad Sidera se attollens,

Applaudente Collegio DAMBSCIANO Torunensi

Societatis JESU,

A decorata Regis Sæculorum Purpurâ Arbore
Anno M. DCC. XXXII.

AcA.



O dilecta Diis ARBOR!
Perpetuos sperare licet Tibi Frondis Honores.
 Martialis.

Conjunctis sociatur nexibus ARBOR.
 Ennodius.





ILLUSTRISSIMI CELSISSIMI NEO-SPONSI.



*Unquam in conspectum venire
Genialis pompæ Vestræ, quam tot
Paranymphæ Dii, Pronubæque
Deæ adornant, ausa fuisset Suada
nostra; nisi illam Fundatoriæ Do-
mûs Hymen in partem grati obse-
quii, ad dilaudandam Conjugialis Festi magnificen-
tiam evocâisset. Erubisset incomptè soluta dictio
ante DAMBSCIANAS, LUBOMIRIANAS-
que comparere purpuras: quas non Gordius incul-
tô nodô, sed Ducum Fortuna, Princeps virtus, &
amor, nobilissimo nexu invicem adstrinxere. Non
aliter enim, ILLUSTRISSE NEO-SPONSE,
quàm Ducis SEVERIÆ DAMBSCII Clarissimus
Nepos, altique Sanguinis trabeatus Hæres, in Du-
calis LUBOMIRIANÆ fœdera Prosapiæ immi-
grâsti. Expavisset levè Minervæ folium, si explica-
tum in encomia, ipsum adsterni deberet DAMBSCI-
ORUM Arbori, planè Honorum, & Meritorum
Sylvæ; risui esset Vobis Oratorii gutta eloquii, si sola
præsumeret immenso SRZENIAVÆ alto, aut for-*

934
tunarum, dignitatūque affundi Oceano. Verū
ut ad Majestatem utriusque Stirpis, ad lætitiæ di-
gnitatem, ad Conjugum vota, in tanto Hymenæi ap-
paratu, sui secura, nec ingrata prodiret facundia,
Vestra effecit benevolentia: cui ILLUSTRISSI-
ME ANTONINE, DAMBSCIANA præclare
facta, favoresque Tuos Capitaneali adjudicasti sen-
tentia: & Princeps ANNA omnes adjecisti gratias.
Hinc periodicos Oratoris ambitus, melior, quia ad
nuptiales tædas, in tanta Nominum, Prosapiarū-
que serenitate, in Vestram felicitatem perspicax
Fortuna, orbe integro, qui in Vestras influxit Fami-
lias, ampliabit, Pagine omnes, ut pallorem & fu-
cum exuant, conscribentur murice, vel Tyrio SRZE-
NIAVÆ fluctu, aut Principe colore, quo florentissi-
ma utriusque Conjugis Domus, quo flos ævi Vestri,
Connubiales planè anni, quo pulcherrimarum genæ
virtutum depinguntur. Admittite igitur tantum ni-
toris habituram Panegyrim, quantum à Vestri Sere-
nitate Hymenæi, à Celsissimarum Stirpium claritudi-
ne hauserit, fortunatissimi Conjuges. Jam cum ma-
gno utriusque Generi, Famæ, Honoribus, meritis, non
parem adverteritis eloquentiam: saltè adstruite
laudem à materia. Vos Ipsos, quibus nihil pretiosius
habet stylus, æstimate. Legite Nomina, quæ socia-
vit Virtus, & Fortuna: Cælūque primis in Repu-
blica Honoribus devovit, ut tam pulchro fœderi sub-
scribant. Ità quoque precatur

FUNDATORIO SANGUINI

Devinetissimum Collegium
DAMBSCIANUM TORUNENSE
Societatis JESU.



Edite Mæonio cantati carmine saltus !
Stelliferô quos turba globô diffusa Deorum,
Empyreúsq; Pater, delapsus Sidus Olympo
Sylvicolis charum Nymphis, castæque Dianæ,
Reddidit illustres : ubi Nati luce jugales
Accensas Fratri properavit tradere tædas,
Neptuno jungens æterno fœdere Thetyn.
Cedite! **GODZIEMBÆ** sic mandat Hymen; pavet omnis
DODONÆ vertex, monstrosâque Numina nutant;
Innocuis flagrare focis ubi **DAMBSCIA** sylva
Cœpit, & illustres longo splendescere Ceras
Ordine fecit Amor, **SRZENIAVÆ** littore sacra
Dum sibi pacta fides, desponsâque Filia Ponti
A trabeis rubei, vehitur quô Martia Classis,
Et fortunatæ rutilo cum Vellere puppes;
Celsa quibus **PINUS** stat **DAMBSCIA** portus Honoris.
Huc confluxerunt ! Divûm pars prima Senatûs,
Indè Joves, Phœbûsque Parens, hinc pronuba Juno,
Castalides Cytharam, Pæsti sub flamine blando
In plausus animant, decernit tempora **SPONSIS**
Divite sub **PINU**, sub Principe lætior amne,
Aurea Saturnus. Tum falci multa minatur :
Nè Stirpi noceat longævæ ; **SÆCULA VINCAT.**



Anta est Hymenæi Vestri Majestas, **CELISSIMI NEO-SPONSI**, ut illam nisi Ducum Clavæ, Honorarii Scipiones, Consularésq; Regni Fasces, & propè Sceptra valeant metiri. Quanta sit? qui scrutari præsumpserit, aut in fastigium eluctari præaltæ Consanguinitatum Arboris, summisque Patriæ Sideribus conterminæ **DAMBSCIANÆ** Stirpis; aut emenso **LUBOMIRSCIANI SRZENIAVÆ**, quasi Purpurei Maris Alto, ad Fortunarum, Dignitatúmque omnium Portum pertingere, utrique Prosopiæ hæreditarium, enitatur; tunc equidem, velut è specula, Nuptialis Pompæ admiratione defixus, videbit, nisi fortè intuentem fulgor lucis insolitæ retundat, prima Orbis Lechici Nomina & Numina Connubialis Theatri implevisse Magnitudinem; & inter accensas **ILLUSTRISSIMÆ PINUS** tædas, circumquaque Præfulum radiare Tiaras, Palatinas Curules, Ducum Mitras, Imperatoria signa, & innumera Honorum laticlavias, fera à suis & Patriæ Patribus, ad clarissimos Nepotes derivatione, traductorum. Cernet hìc, Gentilitiam **DAMBSCIANÆ** Propaginis Arborem, Principes Familias complexam, jam planè æternitate, tamen absque consenescentis gloriæ ruga, sexcenta vincentem sæcula, in florentissima sinuari Hymenæi ferta, flecti in triumphales arcus, erigi in trophæa, succrescere in palmas, devincto æquè ac Victori innocuo sponforum amorì. Illic verò profundi gemmas demirabitur, ad Coronæ decus; uniones, ad Flammei Nuptialis ornamentum, non exigui Hydaspis margine, sed latissimo, ut

937
ut Erithræi alveo immensi SRZENIAVÆ, qui
Romano à Tyberi de Cæsarum fontibus, Euro-
pæ, Asiæque tractu in Lechiæ campos ante se-
ptingenta defluxit sæcula. Spectabit Purpura-
tô LUBOMIRSCIANI, id est: Imperatorii DRU-
SORUM sanguinis Oceanô, Principum Fortunam,
ut olim Cæsaris, in altum gloriæ provehi, felici-
usque Palinuro, explicatis in vela trabeis, cla-
vum tenente Honore, Celsissimo Nomini jura-
tissimo, antennæ locô defixa GODZIEMBÆ
Arbore, opum, titulorumque Onerariam, ad bo-
næ & magnæ in Republica Spei, felicitatumque
omnium deduci Promontorium. Tunc deni-
que tantæ Majestatis Hymenæi Vestri, Celsissimi
NEO-SPONSI, scrutator oculus discet, expe-
rimentô ad invidiam sæculorum commenda-
tissimô, & quæ didicerit, ad vocalis Famæ tu-
bam promulgabit Universo; iterum Augustissi-
ma à retroactis sæculis revehi Connubia! Mar-
tem nempe Bellonæ, Phœbum Cynthiæ, Augu-
stum Liviæ, Honorium Serenæ, id est: ANTO-
NINUM nupsisse CAROLINÆ, DAMBSCI-
UM LUBOMIRSCIÆ. O par congruentissi-
mo junctum fœdere! Sponsus, de Principe Ma-
tre, RADIVILIA! Sponsa, de Principe Patre,
LUBOMIRIO! Quid enim RADIVILIANÆ
Aquilæ Sobolis Celsitudini convenientiùs, quàm
LUBOMIRSCIANI SRZENIAVÆ Alto so-
ciari? ut in immensum gloriæ, & honorum ex-
crescat, cui nec Hercules terminales ponat co-
lumnas, nec Jupiter metam; novit utique Aquil-
as, fidas esse throni sui Ministras. O amœnif-
sima Hymenæi hilaria, medio DAMBSCIANI
A 2 GOD-

GODZIEMBÆ celebrata Elyfio ! non absque
 SRZENIAVA, quasi Paradisi flumine, in ipsa Re-
 gni nostri viscera, pulcherrimo Senatorii san-
 guinis profluvio exundante. Quid enim verò
 tunc non ad desideria Sponsi, non ad vota & so-
 latia Sponsæ, non ad gustum Principum, quid
 non ad expectationem Patriæ, ad hilaritatem
 omnium, in illa amoris Regia obvenerat? Exul-
 tabat lætitiâ, ex Victoria affectuum, summa cele-
 ritate reportata, GODZIEMBÆ vertex; ut om-
 nes Gratia pro uno decertare viderentur AN-
 TONINO; exsiliabant tripudiantis SRZENIA-
 VÆ gemmei fluctus magis, quàm ad Narcissi
 conspectum Nymphæ, quòd venisse, & vidisse
 futuram vitæ & tori Sociam, jam erat vicisse. Fa-
 tales Jasoni rogos fuscitârunt infelices tædæ, &
 grandi cruoris eluvie extingui debuit Paridis
 ardor: hîc summa animorum malacia, hîc colle-
 cti sinè cæde triumphî. Nec adeò demiror,
 quamvis aliàs Orbis oculo dignam Connubii
 Vestri felicitatem, Celsissimi NEO-SPONSI;
 non enim sunt, ut à plerisque, communes à Vo-
 bis Nuptiarum Genii in Patrocinia evocati, nec
 Joves, Gradivi, aliâque fabulosa Numina in Pa-
 ranymphos adscita, sed arcano quodam Supe-
 rûm consilio, è cælo submissus sanctior Auspex,
 Martinus. Illius luce illuxit Vobis fortunata
 dies, oriens gloriæ absque occasu; accensus ge-
 nialis rogas ad sepulchrales favillas arsurus; au-
 cti splendores Hymenæi. ILLUSTRISSIMI
 denique CONJUGES, apparuistis illustriores.
 Permittite vigiles Hesperidum hortis Dracones,
 à delizioso illo Nuptialis Pompæ velut Pomonæ
 lo-

Benedictio
 Nuptiarum
 die S. Martini
 Episcopi Tu-
 ronensis col-
 lata ab Illu-
 strissimo Au-
 gustino We-
 szel, Episcopo
 Livoniæ, jam
 Camenecensi.

loco, ubi inclytū GODZIEMBÆ nemus, ex auro 939
ramos, ex auro poma, seris carpenda profert Ne-
potibus, procul Lernææ aufugere Hydræ, & effe-
ra hostiū monstra; contra quæ sanctior Hercules
strinxit acinacem, ante Principes deinceps Lares
excubias acturū. Ab illo verò, ut simul ab Antisti-
te, felicissimū Conjugialis Festi desumite auspici-
um, à cujus Præsulea Cruce omnem in vos defle-
xisse credite benedictionem. Et si integer ma-
lorum assurgat exercitus, vel ipse tam fortunato
invidus Connubio infrendeat Orcus, confidite
pientissimi Conjuges certissimæ Victoriæ, cujus
tot de cælo indicia, quot arma sumitis; opponi-
te jam ferrum militis, jam Antistitis scipionem,
jam Crucem Præsuleam, & nihil illico supererit
vincendum, nihil metuendum; imò unico te-
nuissimo etiam, eoque extremo, Martini halitu,
concessum vobis graves Erebi iras diffilare. Ad-
legit tamen sibi socium ad augmentum Nuptia-
lis Pompæ, Divinissimus ILLUSTRISSIMUM,
Turonensis Camenecensem Nominatum, Præ-
sul, Præsulem: ut festivæ diei, ab utroque hoc
Ecclesiæ sole serenissimæ lucis^{plus} accederet, quàm
fuerit ab injuriosa nocte detractum, ac inter hæc
Parelia, Celsissimarumque Familiarum junctos
splendores, novo prodigio, lux esset maxima
Martini. Et bene sponsalium ædium honori,
ille Sacrorum præerat Antistes, cujus Avitus RO-
GALA, velut imbres aureos beatam ab alto For-
tunæ copiam, cornu fundit utroque: nè itaq; mi-
nimè deesset officio optimus Antistes, fœdera-
tas CELSISSIMI NEO-SPONSI dexterarum Ve-
stras illo coronavit annulo, quem ex auro, quod

Domui Vestræ, extra Arabiam, felici adnascitur, non tam adventitius faber, quàm Patritius Honor, immortali gloriæ perennaturo elaboravit Amori. Suæ tamen sacerrimæ manûs attactu, citra Mydæ commentum, pretiosiores Præsul effecerat; cùm hanc volubilis Fortunæ orbitam sæculorum omnium Principi sacraret, nè aliquando à Vobis deflectat. Nec sinè pretiosissimo Unione credite fuisse annulum, quem Vobis Præsul, & alti WESZELIORUM sanguinis gemma porrexerat; libertatis aureæ insigne. Hæc Nuptiali arrha, Præsul Senator, Veneto more, solenni pompa, SRZENIAVÆ ut Adriatici maris Fortunam, in æternaturi fœderis signum, DAMBSCIANÆ Genti devinxit. Coronatâ sic dexterâ ad illas Vos adhuc est visus deduxisse aras, quas oleæ impleverunt & Lauri, Pæstique flores in ferta sinuati; & quasi Autumni rigores non sentirent, ardenter præstolabantur Augustas NEO-SPONSORUM frontes, aperto in supplex Votum corde, ut, quæ mitris assueverint, coronas etiam ferre non detrectent. Nónne jam satis esset ad Majestatem Hymenæi Vestri, dixisse? Cælites vobis adfuisse Pronubos! non orbatam lumine Deam, at ipsa Vos sidera maritasse? sed Nobilissimi CONJUGES, inter florentissimas aras, velut intrâ coronamentorum Vestrorum Labyrinthum detineor, & hanc conjugalis Dei aulam, sive Honoris Vestri templum ingresso, qui ultrâ tentandus aditus, vel quæ retrò capeßenda sit via? incertum mihi est. Plura se offerunt, & omnia, ut splendore, ita magnitudine paria. Totum te ILLUSTRIS ANTONI-

NINE, Celsissimus Sponsæ tuæ Progenitor, Im-⁹⁷¹
peratorius Sanguis, Ducum gloria, Palatarum
flos Purpurarum, Sandomiriensis Satrapiæ Prin-
ceps, Phœbea luce Generum suum amplexus,
nostris subduxit obtutibus. Audire solùm li-
cuit, quæ intrâ solis hujus cortinam, gestientis
animi edebantur Oracula. Hoc me felicem Ge-
nero judico! quem Genus Ducalibus mitris, ut
Ducum Nepotem: Mars lauris, ut Heroum Pro-
geniem: Pallas oleis, ut suum Fundatorium san-
guinem: Purpureis Honor vittis, ut Patrum Pa-
triæ Filium: Regali Virtus tænia, ad omnem
modestiam, animique summam moderationem,
composita vultûs majestate, ut normam Princi-
pum coronavit. Altissimus LUBRANSIORUM,
DAMBSCIORUMq; sanguis, totam pla-
nè Poloniam alluit; si jam SRZENIAVAM in-
tret, quid immenso vastiùs esse poterit? Erit,
quando à maximis suis Majoribus non degener,
rectè gestorum gloriâ, meritorum in Patriam
amplitudine, implebit orbem; impleat & ma-
gnis Nepotibus Regni curules! Jam quæ Ma-
tris Celsissimæ LUBOMIRIÆ fuissent, si super-
vixisset, gaudia? quæ fuerant Principis Sponsæ
solatia? illa de te Genero, ut Filio, sive ut de suo
Olympias Alexandro gloriam desumpsisset; hæc
ut de Jove Juno, aut Cornelia de Magno trium-
phabat. Cùm verò nullus hic Cæsar hostis, licet
æmulus esse possit, nulla fatorum tempestas,
summa pacati SRZENIAVÆ malacia, prosper-
rimum ad portum votorum navigium; felicio-
rem duxit se suo CAROLINA ANTONINO,
B 2 quàm

94²quàm Cleopatra Antonio. Audita est tripudi-
antis GODZIEMBÆ vox, natali suæ stirpi ad
fœderati Amnis, tanquam ad Etrusci littus Arni,
novam Honorum Florentiam ominari. Totus
tandem dies ille lætis invicem precationibus,
faustisque omnium acclamationibus persona-
bat. Hi D&MBSCIO, quòd fortunatior Timo-
theo, non Urbes, sed Unionem illi parem, quæ
Regno ponderari digna fuit, nec Fortunæ mani-
bus, sed Cæli pensante animos favore, in aurea
Cordis sui retia allexerit, plausus dabant. Illi
LUBOMIRSCIÆ, quod aureum Palmitis
D&MBSCIANI pomum, de quo litem possent
movere Numina, datum sit Pulcherrimæ, quam
Lechicus Apelles Honor Palatino pingit Muri-
ce, Familiæ. Plerique, Novembrémne esse men-
sem illum, quo non tam hyeme deflorescere
D&MBSCIANA Arbor, quàm vernare videba-
tur, tantisper ambigebant, cùm Par Neo-Sponso-
rum Florentissimum conspexissent; donec Reli-
gio dubium discusserit; cui mensem hunc Divis,
Florentio, atque Florentiano, itèm Florentiâ, sive
ipsâ Florâ libuit exornare. Alii in Domum Ve-
stram ingentem à tot sæculis confluisse Cæsa-
rum & Ducum exercitum, illósque ad Hymenæi
plausus è cineribus excitatos in suis exultare Po-
steris, triumpharèque observabant; absque hoc,
ut inter geniales ignes, illæ Majorum ceræ colli-
quescerent; cùm optimè & solem nôssent, &
nullum deliciosæ diei commercium esse, cum lu-
ctu, & lacrymis. Quis verò permixta gaudiis
vota recenscat? singuli D&MBSCIO, ut gloriâ
Herculem, fortitudine Achillem, fortunâ Crœ-
sum

sum superet ; Honorumque accessione celsius 943.
assurgat GODZIEMBÆ vertex ; singuli LUBO-
MIRIÆ, ut præclarissimarum dotum compen-
dio , Pandoram ; Prudentiâ, Palladem ; Virtute
Corneliam ; Conjugis Amore, Penelopen præ-
stet ; universi denique DAMBSCIO, & LUBO-
MIRIÆ, ut Nestorem annis vincant, precaban-
tur. Accipiat interim orbis hanc rudi sepia in-
umbratam, scribi dignam murice, & aureo stylo
Hymenæi Vestri Majestatem, decora, felicitatem ;
donec plura Familiarum Vestrarum legerit
ornamenta ; quæ jam in hanc educi paginam pa-
tiatur modestia Vestra, CELSISSIMI NEO-
SPONSI ; ut pateat DAMBSCIOS, & LUBO-
MIRIOS, ceu soles latere non posse.

Nihil unquam felicius cadere potuit defu-
danti in encomiis DAMBSCIANIS Suadæ, e-
mensis tot sæculorum tractibus fessæ, quàm ad
primam Stirpis tuæ Plantam, ILLUSTRIS-
SIME DOMINE, procumbere ; ubi victrici dextera
Equitum Polonorum bellicosissimi GODZIEM-
BÆ evulsa PINUS, in lauriferum Martis lucum
excrevit. Alios equidem ab ipsa origine indul-
genter nimium habere voluit Lucina, quasi aut
aurea parvi Joves cunabula sortiti essent, aut ad
longas orbis delicias cum Tito nasci viderentur ;
verum hæc crescentis Familiæ lenocinia, quæ im-
bellem animum instillabant venis, in fallacis For-
tunæ citò peritura abivêre crepundia, & lusum
fatorum. Patritia DAMBSCIORUM Arbor
perennitate sua Cedros excessura, inter bellorum
nata turbines, ut his in illam validius incurstanti-
bus, fortiùs ageret radices. Non alteri se im-
plan-

Prima Planta
Illustrissimæ
Dambscianæ
Domus in
Martis Cam-
po sita, & pro-
pagata in syl-
vam trophæ-
orum.

944 plantari campo permiserat, nisi qui Marte, &
 mortibus horreret; ut agnata ferro, luctarique
 cum fatis assueta Stirps Heroa, nec deinceps se-
 curim ad radicem pertimesceret, nec ensibus sta-
 ret cædua, nisi Victoribus GODZIEMBIIS ad
 triumphalem Coronam. Vidit enim, ILLU-
 STRISSIME NEO-SPONSE, suum extra The-
 bas Herculem Polonia, sub Vladislao Principe
 primigenium Gentis Vestræ Ducem in prælio
 cum Moravis, Heroum invictissimum GODZI-
 EMBAM, qui utrâque palmâ cum è visceribus
 telluris egressisset arborem, retulit non unam de
 prostrato hoste palmam, & nobilissimum, quale
 vix sæcula erigerent, de primùm nata in decus
 Vestrum PINU effecerat Patriæ trophæum; un-
 de Vobis immarcescibiles Laureæ pullulârunt.
 O! quantus strenuè pro Republica certandi æstus!
 illius vitæ desiderio, nunquam satîs inter fatale
 hostilium cadaverum gelu ardere; illius tran-
 quillitatem, & pacem per proprii sanguinis dis-
 crimina flagranter sitire; & cum jam mucrones
 & hastæ, antequam ex hostili emergant cruore,
 non sufficiant ad Victorias, nemora in suppetias
 vocare, & ultra enses, arboribus persequi, & trun-
 care inimica capita; hoc denique novum est
 Virtutis heroicæ prodigium, rarum fortissimi
 Bellatoris GODZIEMBÆ stratagema! Permit-
 tite tantum Heroem ILLUSTRISSIMI DAMB-
 SCII prodigiosæ fortitudinis prototypon, pri-
 mam Domûs Vestræ Plantam, Parrhasii manu in
 bellicis depingi labaris, explicarique inter præ-
 lia; etiam ad ejus umbram, velut ad Persei par-
 mam,

Godziemba
 Eques Polo-
 nus de hoste
 evulsa Pinu
 triumphans
 Anno 1094.
 Caput Fami-
 liæ Dambsci-
 anæ. Cromer,
 & Okolski
 tome 1mo.

945
mam, obrigescet hostis. Sic olim admirator Sie-
ciechus, Dux Exercituum Regni Poloniae susce-
perat, ipsa inexpugnabilis GODZIEMBIANI
roboris admiratione obstupescere, solâ magna-
nimi Viri famâ exanimari, nedum velut magni
Æneæ, heroicâ illius dexterâ adversas sterni aci-
es, ac si unus castra fecisset GODZIEMBA. Ta-
citus tunc intrâ se Bellidux loquebatur: si plu-
res Regnum, ut soles, itâ supremos militiæ pate-
retur Ductores, huic Heroum Potentissimo de-
ferrem clavam; qui illam etiam Herculi adime-
ret; cuius triumphis, nec sylvæ poterant termi-
nalem ponere columnam. Redimirem illico
laureis, ferro inclusam, frontem illius auream, nisi
jam de Moravis triumphantem Arbor PINEA,
ut Isthmicos quondam Victores, coronâisset. Li-
ceat tamen bene ominari; ibit evulsa Planta in
æternum GODZIEMBIANÆ gloriæ viridari-
um. Inter fulmina bellorum prodiit, gemmas Re-
gni pariet; pretiosa Honorum insignia, nunquam
decessuris feret Nepotibus; erit unanemus: Se-
natum, Curias, & Castra implebit. Nec irrita
Sieciechus fudit vota; hostili namque cruore
irrigata Victrix Arbor, eousque per heroica
GODZIEMBARUM crevit facinora, & tantis
subitò in altum provecta incrementis, ut per Po-
loniam longè latèque meritorum, titulorumque
umbram projiceret. Aurea fronde, gemmeis-
que fructibus elatæ Xerxis Platano præferenda
spectabatur, quòd non luxu turgeret, sed novis
in annos meritis reviresceret; nec ad inanem o-
stentationem, sed ad gustum Patriæ proferret
fructus; nec tandem unam inumbraret Regiam,

Godziemba
Comes Anno
1104. Idem.

Felix Godzi-
emba pri-
mum in Hun-
garia Anno
1463. tum in
Polonia An-
no 1466 Exer-
cituum Dux.
Cromerus
Lib. 25. Wa-
powski. O-
kolski.

sed totum ferme Regnum magnitudine Nomi-
nis sui impleret; cùm ad illam, quasi ad omnium
felicitatum nidum, Cracovienſis, Poſnaniſis,
Breſtenſis, Cujaviæ, Palatinatum Gentilitiæ jam
tunc convolârant Aquilæ. An equidem ſe non
fortunatam tunc ſenſerat Polonia, cùm primus
minimè abludens à Duce primigenio, GOD-
ZIEMBA Comes, & ſtrenuus Heros ſub bellico-
ſiſſimo Principe BOLES�AO Crivouſto, non
ſpem in herba, ſed jam robuſtæ Virtutis ramos,
ad denſas porrigeret victorias. FELIX deinde
GODZIEMBA ſub Caſimiro tertio, jam Panno-
nici, jam Lechici Regni Exercituum Clavas me-
reretur. Felicior ſanè fuit, ſuo Polonia FELI-
CE, quàm Creta Jove, vel Hercule Thebæ. O!
maximis Majorem Ducibus invictiſſimum mili-
tiæ utriusq; Gentis Imperatorem, dignum, quem
ſibi Regna eriperent! O! memorabilem confi-
ctum! quo Reges inter amica jurgia certabant,
quasi de Martis palma, de GODZIEMBARUM
Stirpe, qui etiam in ſtemma, non aliter prodeunt,
niſi armati. Crediderim ad conſpectum tam
grandis trophæorum obeliſci, ut gemino vix Re-
gno comprehendi poſſet, demiſſiorem apparuiſ-
ſe Atlantem; veriùs quippe, quàm ille Olym-
pum, Celiſſima PINUS, trino aſurgens ad Ho-
nores Vertice, altero Poloniæ cælum, Hungariæ
altero, Domûs verò ſuæ prima ſidera medio ſuſ-
tentabat. Quanta naſcenti primùm in Polonia
Familiæ ad omnia ſumma, nec aliter quàm per
ardua, (quod Herculeum eſt) aſurgendi celeri-
tas! Alios vix in orbem editos vagitus pueriles
longa Honorum ſpe lactat Fortuna; & diu co-
gun-

guntur per fascias serpere, antequam deveniant 947
ad fasces. GODZIEMBAS inter tonitrua, fra-
gorésque præliorum Bellona progenuit; Heroo
nutrivit sanguine, & Leonum lacte, quemvis hac
de Stirpe Achillem; pro cunis scuta posuit, & gla-
dios; ut non tam reptarent per arma, ac si ali-
quando fuissent imbelles; quàm cum Hercule
continuò currerent ad clavas; aut ad Jovis Ca-
pitolini sinum, per laureas. Et quia angusta cen-
suerant gloriæ suæ Olympia, solam fuisse Patri-
am; extra orbem cum FELICE felicissimis passi-
bus progressi, vix milites, jam Duces, jam totus
exercitus. Æstimavit Hungaria ferream Mar-
tis Lechici Prolem, fortissimi inæstimabile pre-
tium Viri (ac si totus aureus esset) ad aureos
montes suos velut ad Lydium lapidem compro-
bati. Coronavit Bellona sceptri Hæredem Du-
cali galea, Clavam detulit victrici toties dexte-
ræ, & tunc secura degebat in grandi corpore, in-
gens illa Regni Anima MATHIAS, dum non
tam bella gerere cum effera Barbarie, quàm tri-
umphare Dux spectabatur GODZIEMBA. Ex-
undaverat tunc Savo fluvius abliguriente tot
Provincias Turcica eluvie, quæ absorptâ jam
Bosniâ, naufragium Pannoniæ minabatur; me-
tuerant contra vim validissimi torrentis pedem
movere tot cladibus fusæ Hungarorum copiæ.
Exuberanti itaque hostili furori Ductorum for-
tunatissimus restitit FELIX, hac suos præmuni-
ens tessera: Eja Heroës! parvi quidem nume-
ro, sed viribus planè immensi, hîc nobis aut vin-
cendum, aut moriendum! Victores nobilior ex-
spectat præda, quàm Leonis exuviæ Herculem,

Victoria ejus-
dem Godzi-
embæ de Tur-
cis ad Savum
fluvium An-
no 1463. Cro-
merus.

D

quos

Christianorū
septemdecim
millia per
Godziembam
à Turcarum
servitute li-
berata, Idem.

quos ultra decem & septem Christianorum mil-
lia, barbaricis constricta vinculis, ad Capitoli-
um immortalis gloriæ deducunt in triumpho.
Si cadimus? nihil hoc fato optabilius, quod Re-
ligioni litatur, omni victima pulchrius. Spes
tamen indubia Victoriæ, quamvis extra solis lu-
cem, dimicaturis, pro Jove contra Gigantes af-
fulget: virtute comite, cælo favente. Mox Le-
chici Ducis insonuit classicum, & repentè me-
dios in hostes, ut in Terentum, irruit concubia
nocte Polonus Annibal. Improvisò percussa
fulmine, Getica expalluit Luna, exitiales credi-
dit advenisse umbras, & fatale deliquium. Cor-
nua tamen objecit; miscentur armis arma, cla-
mores clamoribus, & tota nocte pro ancipiti &
cœcabelli Fortuna pertinacibus pugnatum ani-
mis. Victoriæ tamen dies illuxit fortunatissi-
mo Triumphatori GODZIEMBÆ, patuitque,
qua per opertos Barbarorum clade, & funeribus
campos, reliquæ imbellis in fugam effusæ mul-
titudinis adeò fortiter cervicibus inveheretur,
ut adversante terga vertentibus amne, vix Nun-
tius cladis victorem Ducis gladium effugerit.
Nec multò post secundissimè in Transylvania
FELIX de profligato rursus Turca triumphavit.
O! quantum subsilire tunc gaudio spectabantur
Pannoniæ montes, cum penè ad sidera ipso eti-
am Orientis Bizantini occasu inclarescens
GODZIEMBARUM Nomen attollerent. Et
quidnî infracta Ducis hujus magnanimitas, quæ
muros aheneos perrumperet, cor etiam Princi-
pis expugnaret? quem Rex in CORVINA Regii
sanguinis Sponsa, suo fecit Throno propinquū.
Ne-

Mathias Rex
Hungariæ,
Felici Godzi-
embæ Filiam
ex Sorore
Christianam
dat in Conju-
gem. Okolski.

Nemo dixerit fortem Mathiæ cecidisse super Fe- 949
 licem ; sed Regem, hac Domûs suæ gemma eme-
 ritam frontem Heroum ex æquo coronâsse. Ad
 Solem Latium, & Pannonicum tantisper conver-
 timini, ILLUSTRISSIMI DAMBSCII, quò vos
 in Messala, Valerio, & Domitio, sexcentisque aliis
 Regibus, ac Ducibus CORVINIS, antesignanæ
 Romani Imperii Aquilæ, Hungarici, & Bohemi-
 ci solii fastigia provexerunt. Sylvam Honorum
 Astris ipsis affinem in hac Illustrissimæ Familiæ
 Vestræ Planta conspicitis, cui Serenissimam Re-
 giæ CORVINORUM consanguinitatis Arbo-
 rem, Mars implantavit coronatus. Fertiliùs in
 ferta reffloruit GODZIEMBÆ PINUS modicè
 suo transmota loco. Brevi equidem cum aureo
 Pannoniæ Vellere redux in Patriam fortunatior
 Jason FELIX, nativo illam reddidit solo ; ut Le-
 chicas etiam quasi jam hæreditarias ferret Cla-
 vas, belli pro Patria Numinibus, GODZIEM-
 BIIS. Noverat laudatissimam FELICIS fortitu-
 dinem CASIMIRUS Tertius, Poloniarum Rex,
 eumque, ut Regiis præluderet in Pomerania vi-
 ctoriis, Poloniarum Ducem Copiarum præmise-
 rat : & prosperrimo ubique Marte, bella illi se-
 rebantur ex bellis, nec aliter, quàm hostium ter-
 ror, adversas acies, castra, munitiones perrum-
 pebat. Longum esset singula, & supervacane-
 um retexere florentissima GODZIEMBARUM
 Elogia, cum abundè septem sæculorum expli-
 centur Annalibus ; legimusque adhuc GODZI-
 EMBIOS fuisse *insignes virtute, pietate, fortitudine;*
in Toga, Sago, Arena ; Jovèsque in Senatu, Martes in
acie. Utenim prima in Martis Lechici campo fixa

Okolski.

Illustrissimi
Lubranſcii
Palatini &
Caſtellani
Herōes.

radice PINUS Veſtra ILLUSTRISSIMI
DAMBSCII in laureas ſtatim GODZIEM-
BIORUM excreverat, ità æquè in ſerta, quoties præ-
lia comitterent, ac in oleas, dum pacem Patriæ
colerent, reſloruerat LUBRANſCIIS Palatinis
Illustriſſimis, & præ aliis Thoma Caſtellano Bre-
tenſi Cujaviæ; qui de Solymani Turcarum Ty-
ranni barbarico furore, ſub Sigismundo primo
Poloniarū Rege victrices palmas Heros invictiſ-
ſimus toties reportaverat. Actandem ad noſtras
uſque ætates latè propagatur in Vobis, quos mi-
nimè à Stirpe Veſtra degeneres, id eſt: Hectores,
pares primis, vidit Polonia. Ut fidem dictis ad-
ſtruam, ILLUSTRISſIME NEO-SPONſE, ab
Atavis, Tritavisque tuis, quorum præclara faci-
nora tot ſæculorum dilaudata Annalibus, in
compendium Panegyris, ut Iliadem in Nucleum
redegi, ad Proavos, Patruosque te reduco, ut il-
lorum bellica geſta, quæ nobis palpanda nunc
exhibentur; ſecuturi ævi commendemus Scri-
ptoribus, & porrigamus perennibus inferen-
da faſtis, laureatæ Stirpis DAMBſCIANÆ
folia, quæ in tomos aſſurgunt. Hos inter
Honori tuo primus extra Lechiæ, non extra
GODZIEMBIANÆ gloriæ campum, transve-
ctis Gentilitiis militavit armis ALEXANDER
DAMBſKI, Magni tui Proavi ANDREÆ Fi-
lius, maximus Heroum Avus tuus, Sueticæ Le-
gionariæ cohortis Dux. Leonini roboris Achil-
les placuit Sudermanico Leoni, & ignem in ho-
ſtes ſpiranti, non teſtudo ad victorias, ſed fulmi-
nis ocyor alis, magno par Alexandro, arriſit He-
ros; neque enim leo ſocietatem armorum, niſi
cum

Alexander
Dambſki in
Suecia Legio-
nariæ Dux
Cohortis Ca-
ſtellanides
ſtonſcenſis.

951
cum leonibus, habet. Tunc coronatus ille Gen-
tium Terror, sub GODZIEMBÆ PINU, tot tro-
phæis splendida, quasi sub triumphantilauru, tu-
tus à ferali fulmine recubuisse videbatur. Unde
in prima Martis fronte collocaverat Ducem su-
um, quòd nôssset GODZIEMBIOS non minùs
ad fortunata prælia, quàm ad clavas natos. Sed
heu! quos nulla vis armorum infregisset, mors
invida medios ex improvîso secuit triumphos.
Et fatalem ad ictum, quo avulsus GODZIEM-
BARUM ab Arbore ramus corruerat, velut ad
Macedonis excidium, tota Heroum sylva inge-
muit. Non tamen Stirps GODZIEMBIANA
planè immortalis Libitinæ securim pertimescat;
sexcentis jam annis suarum sentit vulnera fron-
dium, & adhuc geminat virorem, est cæde vege-
tior. Semper enim fortes ex fortibus nascuntur
DAMBSCII, suis è cineribus Phœnices. Sic Avo
tuo successit Patruus, ILLUSTRISIME NEO-
SPONSE, Alexandro ANDREAS, Dux Duci,
Priamo Hæctor, ad colligendas de Martis cam-
po laureas, ad demetenda hostium capita; cui
præter domesticum ensen, Serenissimi Regis
AUGUSTI Secundi duo gladii, ut Legionario
S.R.M. & Reipublicæ Duci ad manum erant;
quòd unus tanto Heroi non satis esset ad victo-
rias. Hic itaque secundissimus æquè ac fortis-
simus Ductor Illustrissimus Palatinus Patruus
Tuus, ad illa, quibus tota fumabat Polonia, belli
planè Dardanici incendia, ostendit DAMBSCI-
ANUM esse triumphales Regibus pyras in Avi-
ta PINU accendere, fatalésque Patriæ rogos, ho-
stili restinguere cruore. Nullus verò autumet
divisos DAMBSCIORUM animos aliquando

Illustrissimus
Andreas
Dąbbski Pa-
latinus Bre-
stensis Cujas-
viæ Dux Le-
gionarius
S.R.M. & Rei-
publicæ, He-
ros bellicosis-
simus.

fuisse, nec objecta armis arma, pila minantia pilis, in unius Gentis GODZIEMBIANÆ exercitu suspicetur, quasi ejusdem Stirpis Heroës, ALEXANDER Mulciber in Trojam, ANDREAS pro Troja staret Apollo. Ità quippe Alexander Sudermaniæ Leoni palmas deferebat, ut protinus eripuisset, si tunc iras ejus, & concussâ irruentem jubâ in Poloniam, vidisset. Hunc in DAMBSCIIs Majestatis Polonæ & Patriæ præclarum Amorem toties propugnavit Illustrissimus Palatinus ANDREAS, quoties hostium castra, Regis Achilles expugnaret; & Calissienſes, Cornovienſes, sexcentâsque alias adverſo Marti ex ungue detraheret laureas. Exhorruerat ille, qui tot Regna rugitu ſuo terruit, ad conſpectum DAMBSCIANÆ legionis, haſtatorum Equitum ſylvæ; cùm non imbelles feras, ſed inclytos Viros, & invictæ fortitudinis portenta animadvertiſſet. Nemæam credidit, quòd Herculeam DAMBSCII manum, in ſuum extenſam exitium cerneret: nec effugiſſet, niſi priùs in prædam ceſſiſſet Draconi: ſed jam nè mortuo Leoni inſultare videaris, Illuſtriſſime Palatine, reconditum vaginâ gladium tenes; facilè tamen illum ſtrinxeris, Dux Veterane, ſi non deſit hoſtis, quem perimat. Conſectam nempe bellis ætatem, heroica virtus ſervat adhuc vividam; quam penè immortalem reddant Superi, precamur. Neque à victorioſa procul ANDREÆ Arbore ſua poma cadunt; quot Filii, & Nepotes tui, Senator Maxime, tot ſtrenui prodeunt Heroës, fulcra Patriæ, laureati cito Duces, & quivis Æneas, Anchisæ gloria. Minimum Natorum Tuorum, nō alibi, quàm
in

in coronati nuper Poloniarum Regis campo. Ac- 953.
 crescentem vides JOSEPHUM, ut triumphales
 lauros in ferta colligens, abeat in coronam Pa-
 tris. Verùm quò iterum militares Regni Aquilæ
 Encomiasticam deducunt pennam; à Patruo
 tuo, ILLUSTRISIME NEO-SPONSE, ad Pa-
 trem Illustrissimum, & ab hoc ad te transvolant
 S. R. M. & Reipublicæ Rothmagistrum; quòd
 Gentilitiam DAMBSCIORUM PINUM, in
 densissima excrevisse noverint trophæa, vel
 quòd belli æstum umbra illius temperet. Cum
 cataphractis Heroibus antesignanæ alites illæ,
 prævolabant magnanimo Ductori suo ILLU-
 STRISSIMO ADALBERTO Progenitori Tuo,
 Augusti Secundi Regis Poloniarum Anteambu-
 loni, paulò ante fœderatæ Reipublicæ Mare-
 schalco, ut adversus invisas tot ferarum, infau-
 starumque volucrum acies in promptu haberet
 fulmina, pro securitate Majestatis. Et diu licet
 diversi-colore belli Fortuna, cum hostibus con-
 gredi cogerentur, quòd enses ensibus, tela retun-
 derentur telis; nec scuta Regum essent imper-
 via, horrendo armorum tonitruo concuteretur
 Polonia; nullius tamen Æoliæ turbine à REGIS
 sui latere Aquilæ illæ avelli se permiserant, nullo
 fatorum metu deterreri: quia DAMBSCIANÆ
 erant; cùm in obvia etiam irruerent vulnera,
 pro chara Regni Anima. Fortunatissima quæ-
 que Illustrissimo Progenitori Tuo, constanti AU-
 GUSTI amorì, licuit sumere auguria: brevì
 cum evolante jam è cineribus suis Phœnice Re-
 gno, se quoque ad supremas Exercituum Cla-
 vas, Palatinasque provehendum Curules; nisi
 illum,

Illustrissimus
 Adalbertus
 Dambski,
 Progenitor
 Illustrissimi
 Neo-Sponsi,
 Cataphractæ
 Cohortis
 Dux; Mare-
 schalcus Con-
 fœderatæ Rei-
 publicæ, cum
 Regni.

954 illum, prô dolor! sinistra mortis ales ex aperta
 ad amplissimos Honores arena, ad angustias tu-
 muli, & pugillum cineris revocaret. In te tamen
 fervet Bellatorum sanguis Majorum, ILLU-
 STRISSIME ANTONINE, in te Heroum no-
 bilissimus vivit Progenitor, à cujus dextera ad
 tuas manus devoluta est Clava. Quem enim
 alium Mars Lechicus in Atlantis ADALBERTI
 locum congruentiùs suffecisset, quàm te Hercu-
 lem. Jam ergo Tuo colloco in conspectu, Cel-
 sissimæ Stirpis Tuæ Plantam in bellicositam cam-
 po, sex sæculis ad Te usque bellica fortitudine
 propagatam. Una PINUS, Martis Poloni Do-
 mus est, tot Hectores, Scipiadas, Camillos pro-
 fert, quot DAMBSCIOS. Cùm verò Stemma
 Vestrûm perpetuis Bellona coronet laureis, per-
 mittite victoriosæ Arbori etiam Minervæ foliû
 adsterni, & præter gladios, hastasque, de Orato-
 rio etiam stylo triumphate.

P Anditâr Martis Lechici Regia!
Prima PLANTA sæculorum Structuræ:
 Longæva jam Domus, trophæorum quanta moles?
Truncatis hostium Patriæ capitibus innixa,
Stat omni Capitolio fortiùs;
 A fundamentis ferrea, armis undique munita,
 Lapsus non timet, extra ictum est.
Hæc sunt DAMBSCIANÆ Stirpis prodigia,
A Planta ad verticem Martiæ!
Ex inculto evulsa Pinus luco,
Illico Bellonæ solo gloriæ feracissimo, plantata:
Extirpatoque hoste, in ferta resloruit
 Victori **GODZIEMBÆ;**
 Et una suffecit,
 Ut Mars Bellatricem conderet Domum:
Vel ut hac Arbore, ac olim saxo
Formarentur Virorum clypeatæ messes;
Aurô æstimabiliore Heroës ferrei.



Hostis Enceladum sensit fuisse **GODZIEMBAM**,
 Cum nemora quoque robori ejus cederent ;
 At non contra Jovem bella movit ?
 Verius Patria, Majorem coluit Hercule,
 Cui Clavæ locò fuit Arbor, contra tot Hydras ;
 Aut credidit revixisse Premislaum,
 Sylvis Victricibus gloriosum.
 Marti adverso, & morti occurrit Heros,
 Irruit in pericula, pro securitate Lechiæ ;
 Exarmatus ferrò, armatus **PINU** :
 Quâ, ut ferali Cupresso,
 Prostrato hosti terminalem posuit Colossus.
 Hic est primigenius **GODZIEMBARUM** Dux :
 Genuina Martis Poloni Soboles,
 Africanis non impar, Victor Moravicus !
 Quid jam fortunatius **FELICE GODZIEMBA** ?

*Successit Telamoni Fortior Ajax,
Hic & Germanicus, & Gethicus, & Scythicus!
Ab Occidente ad Orientem victorias extendit;
Ut ostenderet, hac de Stirpe Viros,
Nisi ad orbis triumphos nasci.
Quanta trophæorum Sylva, una Domus!
Non una Legio, non unus Exercitus,
Sex jam Centuriis ætatum propagatur!*

GODZIEMBII, LUBRANSII, DAMBSCII,

*Heroës Triarii, unum sunt.
Valent mille, & amplius Ajaces bellicosissimos;
Excesserunt sexcentos Fabios, numerò, & fortitudine;
Quivis Achilles, fortior Hectore.
Hinc trino vertice surgentem victoriosam Arborem
Adoro, totam adhuc in flore!
Nec bellicos inter æstus retorridam,
Nec Mavortius adustam ignibus,
Nec hostili cæduam ferro.
Fatorum Chalybem videt: succisa repullulat.
Dubium movet prudens:
PINUSnè sit? an robur Achilleum?
Quidnè celsitudine & perennitate Cedros vincat?
Neque sterilem vidit unquam Momus,
Antidotum contra venena, parit Patriæ,
Hostibus toxicum.*

*Illi, Arbor vitæ; his, taxus.
Non invidemus Latio Domitianos,
Sub malo Punico, ad mala publica, natos;
GODZIEMBÆ Arbor, educit Hectores Reipublicæ,
Ad defensionem Religionis, ad tutelam Regni.
Si illius amplitudinem metiri liceat?
Quot ramos, tot Martis brachia,
Latè in fulcra Poloniæ exporrigit;
Verior Cæli Lechici Atlas;
Stabit sub hoc pondere, nunquam fatiscens,
Stirps Immortalis.*

Familia
Dambsciana,
Sylva Hono-
rum, & meri-
torum.

HActenus in Tuum cum gaudio verticem, Il-
lustrissime NEO-SPONSE, inflebant tur-
matim Bellonæ ferta, Sagum ornabat humeros,
armabat impervia pectus lorica, Ducum Clavæ
exposcebant manum, affundebatur plantis her-
ba,

957
ba, quam Majoribus Tuis devicti hostes porre-
xerant; denique Mars Sarmaticus in hæreditaria
Celsissimæ Stirpis DAMBSCIANÆ trophæo-
rum sylva eousque Te detinuit. Neque tamen
totam pervasisse Te crediderim, cum & illa bel-
licæ fortitudinis Vestræ ostenta densissimè vi-
deam propagata, & hæc immensa sit. Verius
per amplissimum GODZIEMBIANÆ militiæ
campum, qui non truncos, sed Heroës parit;
Tecum sæculorum itineribus spatatus, hucus-
que ostentabat Gradivus: ex illo auream immor-
talis gloriæ segetem provenire DAMBSCIIS,
ubi Vestro collectæ triumphales laureæ victo-
re gladio in grandem assurgunt cumulum, &
pro manipulis innumera cæsorū capita hosti-
um computantur. Sed jam Te, ILLUSTRIS-
SIME DOMINE, è Martis luco, in lucem tra-
bearum; de Sago, ad Togam evocat Honor. Ut
videat orbis, Heroo resperfas sanguine pulchri-
us, quàm Tyrio tinctas murice, Senatorias
DAMBSCIORUM rubere purpuras; & dome-
sticum, agnatumque Vobis Principum Vellus,
nè guttâ adscititii infectum esse coloris; verum
illo duntaxat ardere ostro, quod mille pro Patria
susceptis vulneribus, calente adhuc nobiliore
vena, profudistis. Prius namque Hercule a ma-
nu gestare Clavas, portare scuta, enses dexteri-
mè in hostem stringere, quàm fasces, securésque
præferre; armillas, nexiles velut Herculeis ad-
strictos annulis thoraces, victorūque exuvias,
ante purpuram, ab humero suspensas tenere; in
acie emeritas, fessasque longo certamine vires,
in Curulibus tandem reponere; de castris, ubi

Illustrissimi
Godziembi
Comites, Præ-
sules, Pro-
cancellarii
Regni, ab An-
no 1104.

jam nîl superest, quod vincatur, pedem referre ad Senatum; hoc GODZIEMBIANUM, hoc DAMBSCIANUM est. Voluit equidem non alibi, quàm inter Martis spinas, & horrida armorum aculeis dumeta Arbor Vestra DAMBSCII nasci, hostiùmque irrigari cruore; ut eò fertiliùs aureos tandem honoris fructus Vobis proferret; non inter bellaria, deliciosasque Sybaritarum mensas, sed inter Regum poma, reponendos. Hanc tamen subintrantis Dodonam Sua-dæ justior metus retardat gressum, nè intimiùs pervagari contendens, in Labyrinthum dignitatum incidat, & exerret; unde nullo deinceps poterit Ariadnæ filo evadere. Plantam proinde cohibet, satîs se felicem ducens, si Nemus Deorum è longinquo videat, tum prona primos DAMBSCIANÆ Gentis Duces, GODZIEMBIOS adoret. In Comite nimirum GODZIEMBA, sub Boleslao Crivousto, pulcherrimam Senatûs Lechici faciem, Veteranæ Familiæ absque fulcis vetustatis frontem, quasi solis vultum contemplatur. In Filio Vexillifero Siradiensi, lectissimam Nobilitatis manumprehendit. In Nepotibus LUPO GODZIEMBA Płocensi, MICHAELE Cujaviensi, integerrimæ Famæ Præsulibus; ANDREA LASCARI Posnaniensi Antistite, in Hungaria causæ Regni contra Cruciferos strenuo defensore, sub Vladislao Tertio; Senatoriæ florem legit Purpuræ, æstimat Præsulû gemmas, inseri dignas aurei sæculi coronæ, & nobilissimi sanguinis uniones, Pontificii tiaræ ornamenta. Illustrissimum Gregorium DEITARUM Godziembam, Regni Pro-Cancellarium,

7
 rium, Aquilis Lechiæ, ultra laudatores evolan-
 tem calamos, in solis Sarmatici Regia constitisse
 mirabunda intuetur; ut ampliùs in tanta Majo-
 rum Vestrorum Illustrissimi DAMBSCII maje-
 state, & splendoribus Profapiæ, quibus clarissi-
 mi Posterì effulsistis, obtutum etiam defigere
 non audeat. O! quanta lux Domi Vestræ pri-
 mo Familiæ diluculo oborta! serenum honorum,
 meridiem titulorum adæquans. En! præter ar-
 morum jubar, Senatorius nitor trabearum Vos
 in GODZIEMBIIS Majoribus irradiat; & si jam
 totos Phœbi fulgor penetrat, nōne parelia vi-
 suri sumus, concursum primorum siderum, ubi
 Illustrissimi LUBRANSCII in lucem denuo pro-
 dierint? quibus idem cum DAMBSCIIIS ortus
 est. Eadem enim Vobis Planta, Stirps eadem;
 licet tot sæculorum incremento, per Majorem,
 Minorēque Poloniam, ad fines usque Pokutiæ,
 in GODZIEMBA de Panieco, nobilissimos ex-
 porrexerit ramos, & in amplissimam consanguini-
 tatis Arborem excreverit, cujus inter prima
 decora vernabant LUBRANSCII, & adhuc vi-
 rent in DAMBSCIIIS. Mutârunt videlicet bini
 Fratres GODZIEMBII Nomina, non originem:
 unus in Lubraniec Comes, LUBRANSKI, alter
 in Dabie DAMBSKI nominari voluit; ille Lu-
 branščiani, hic Dambščiani uterque Maximi Au-
 thor Nominis. Sic olim placuit Jovi jam se O-
 lympium, aut Statorem, jam Feretrium, vel To-
 nantem appellare; mansit tamen idem, & supre-
 mus semper Deorum. Et jam tanquam ratis in
 mari immenso Lubranščiani sanguinis Tua ve-
 hitur Panegyris, Illustrissime Domine; intrabit
 Oceanum, postquam totus sanguis ille in venas

959
 Bini Fratres
 Godziembii,
 unus Lubran-
 ski à Lubraniec
 , alter
 Dambski, à
 Dabie dictus.

Joannes Lubranski Episcopus Posnaniensis Anno 1502. Crome-
rus. Dlugosz.

Tuas defluerit. E primis Poloniae Praefulibus Senator, JOANNES LUBRANSKI primus ante tuos, Magne Nepos, obversatur oculos, post Ploensem Insulam, Posnaniensi coronatus tiara; qui sacrorum Rex in aedibus DAMBSCIANIS jam tunc Templum Honoris dedicabat, quasi praesago spiritu LUBRANSIOS in DAMBSCIIS perennaturos vidisset. Tam vastum verticem, non unius Coronae capacem, inter prima Familiae suae capita orbis Lechicus adoraverat; parumque abfuit, quin Primatialis etiam Mitra in illum devolveretur, nisi obfirmata Praefulis modestia frontem subduxisset. Nul- lum quippe JOANNE suo ad omnem sancti- moniae normam magis compositum censuerat Cathedra illa, cujus avitum insigne Petrus con- decorat; ut extra septicollem Romam se Petri Cathedram, JOANNEM summum Antistitem esse crederet; dignum, quem fasti *Virum devo- tum* celebrent, integerrimi mores praedicent san- ctissimum. Non tamen ille Vaticani eminen- tias ambiebat, satis purpurata virtute conspicu- us; & quo Major non surrexerat, maluit esse; quam dici Eminentissimus. Ne vero minimè à suo Nomine abluderet, Gratianum se Religio- ni exhibuit: septem supra quinquaginta sacras aedes, sive munificentiae LUBRANSIANAE Basilicas, ad Orbis aedificationem, construxit. De Pallade quoque optimè meritum Posnani- ensis celebrat Academia, dum extra Athenas pullulare vidit eruditorum sylvam ex GODZI- EMBÆ Fundatoria Arbore. Illustravit sapien- tissimus Praeful Majorem Poloniam Scientiis, quas de noctibus Atticis in lucem eduxit: um- bras

Okolski.

Sacras aedes
57. extruxit:
& Academi-
am Posnani-
ensem funda-
vit.

bras Academicas, voluit esse Lubransciani No-
minis comites, ipse sol Doctorum JOANNES.

Ante Aram Minervæ, Cleanthis lucernam munificencia Antistitis perpetuò arsuram accendit; effecitque, nè unquam deesset liquor Palladius.

Quanquam in JOANNE mori viderentur Gratia^{ne}, medicum ex ejus tumba oleum manare visum.

Ex ejus tumba oleum quoddam medicum fluabat. Acta Academiae Posnan.

Vivet sanè omnium memoriâ Præsul immortalis, qui etiam à morte vitalem se exhibuit. Clarior suo tumulus ille fuerat dono, quàm felix Arabia unguento. Nemo jam mutum sepulchrale LUBRANSIORUM marmor dicat;

loquitur palàm sanctimoniæ famam, erumpente fati sonore mirifico fonte. Inter hæc tamen profusissima in Ecclesiam & Scientias merita, non minùs liberalem se in Patriam ostendit, cui præter Fortunæ gazas, mentis quoque opes & vires impendit, plurimis egregiè perfunctus Legationibus.

Cùm enim omnes in ore JOANNIS facundiæ Gratias confedisse experta fuerat Respublica, illum primò Oratorem elegit ad Alexandrum Principem, ubi Rex renunciatus esset;

Legatus ad Alexandrum & Sigismundum Reges Poloniarum. Cromerus lib. 30.

ejusque linguâ locutâ, Regnum Brestæ detulit Regi; tum post Alexandri fata, hunc rursus Cyneam ad Sigismundum Principem expediverat in Lithuaniam, nè illum alia Vox, quàm JOANNIS, Regem Poloniæ proclamaret.

Æstimaverunt Reges Præsulei efficaciam eloquii, adeò, ut illico submitterent coronæ capita, & ad thronum Anteambulonem sequerentur LUBRANSCIUM; Alexander Ephæstionem; Achatem Sigismundus primus.

Qui cùm è solio altiùs inspexisset Regias Joannis dotes, candorem animi, consiliorum pondus, Patriæ amorem, comita-

tem,

Idem Legatus
ad Maximilia-
num Cæsarem
à Sigismundo
Rege Polo-
niæ. Neuge-
bauer lib. I.
Hist. Polon.

tem, dexteritatēque in agendo; ampliorem LUBRANSCIANÆ gloriæ destinavit Appiam, Viennam misit Præfulem; ad Jovem, Mercurium; ad Cæsarem, Pacis Angelum; qui Austriacam inter & Jagellonicam Familiam dissidia componeret. Processit extra Regnum Præfulis actiuitas magnis itineribus, maiore plausu. Oracula JOANNIS Romana Majestas gratiosa aure excepit, cordi inseruit. Mox suprema Germaniæ Comitia conclamantur: Fratres Reges Poloniæ, & Hungariæ cum Cæsare conveniunt: concordia inter Regum Imperatorisque amplexus æterno stabilitur fœdere; & hîc subito LUBRANSCIANA PINUS, non ad leve pacificationis momentum ad Viennensis Danubii littora translata, in pacis oleam Imperio, & Regnis effloruit. De Cæsaris folio tunc vocem illam erupisse narrant fasti: *Hæc dies, quam fecit Dominus!* nec absimile LUBRANSCII arbitror fuisse suspirium: O! me felicem! per quem tot Regnorum stetit felicitas! tandem semina dissensionum tulerunt auream pacis messē, me jura dante Regibus. Appendo avitæ Arbori cruentos Regum gladios, quos in vaginam recondidi; abeant Posteris meis in trophæum perennis gloriæ. Austriacâ tæniâ Jagellonicos colligo manipulos, & satîs ingens LUBRANSCIANO Nomini, ac DAMBSCIANO confurgit laudum acervus. Hæc tunc Præful locutus, Gallicano gloriosior Hercule, cum aureo facundiæ nexu, pacatos Regum animos innodaret: Voces gemmis notate DAMBSCII, omne verborum pretium in Vestro Honore formando, impendit Regnorum

Le-

963
 gatus ; extra Lechiæ quoque orbitam periodi-
 cos rotans ambitus, pro Domo Vestra egit Ora-
 torem. Tunc nempe toto planè inclaruistis
 orbe, cùm in illo Romani Imperii theatro, jam à
 fronte, jam ab ore Joannis repingebantur Gra-
 tiæ, quæ Jovem ipsum decerent ; maximo Ma-
 jor Polonia Senatore gloriabatur ; Piscatoris an-
 nuli gemmam Pontificii Petri Posnaniensis co-
 ronæ efferebat apex ; Sarmatia Patrum Patriæ
 Numen, sive Consus, in illo Deorum Latii, Ger-
 maniae, Poloniae, Pannoniaeque confessu adora-
 bat ; Imperatoriae Aquilæ Lechicis conjunctæ,
 Lubranscium velut solem exteri soles æmulum,
 aut Sarmatici cæli Princeps fidus, è Cæsaris thro-
 no prospectabant. Denique sub LUBRAN-
 SCIANA PINU coronati tot Regnorum Joves,
 Eminentissima Vaticani Numina, Infulati, Toga-
 tique Provinciarum Dii, visi sunt hospitari. En!
 in uno JOANNE confertissima Familiæ orna-
 menta, laudes immensas ! eritne decorum, enco-
 miorumque modus, si Fratrem illi legibus natu-
 ræ junctum, Castorem Polluci consociavero,
 VINCENTIUM NICOLAUM Posnaniensis
 Satrapiae Ducem ? Heroicæ illius virtuti, clarissi-
 mis bello gestis, Calissiensis primum cessit in
 præmium purpura, præcinctamque lauro fron-
 tem Nobilissimus Palatinatus gemino Gentilitii
 sui decoris coronavit diademate ; cujus etiam
 par orbi regendo caput in perpetuum assumpsis-
 set insigne, nisi illud prius in Stemmata suffecis-
 set Wieniawa. Brevi tamen optimè meritis de
 hac curuli Palatinus, ad sublimius Senatoriæ di-
 gnitatis fastigium, bonis avibus, id est : avitis Pa-

Nicolaus Lu-
 branski, pri-
 mò Calissien-
 sis, tum Posna-
 nienis Pala-
 tinus, Frater
 Joannis Epi-
 scopi Posna-
 nienis.
 Olszewski in
 literis Sigis-
 mundi I. Re-
 gis Polon.
 Okolski.

Ordinatio-
nem instituit
in Reipubli-
cæ subsidium.

latinatûs Posnaniensis Aquilis evolavit; ut cer-
tare de NICOLAO viderentur Regni falces, &
innumera LUBRANSCII erga Patriam merita
finè modo insequi honores. Rempublicam e-
nim ille vix non ex assè Patrimonii sui fecerat
hæredem, quamvis hæredibus Liberis non ca-
reret; neque solùm Civem, sed Patrem se Patriæ
comprobaverat, cùm ad exemplum postero-
rum, beneficentiæ suæ Ordinationem Nobilibus
pupillis litâset; quos sibi Filios cooptavit. No-
luit inane præferre NICOLAI Nomen, quasi il-
lud à cumulo beneficiorum, quæ olim Bono Pu-
blico impenderet, cælitus fuisset sortitus; porre-
xit Patriæ onustam aurô dexteram, totus aureus:
quâ Iberos fluvios, pretiosos Palladis imbres vin-
cebat; dum citra Vatum commenta, in usus Rei-
publicæ Fortunam profunderet. Æmulata In-
digetis in Iros studium, Cræsi opibus major Pa-
latini in Patriam liberalitas, & quia rara, nun-
quam satîs æstimanda; novô prodigiô, aurea &
vocalis: inæstimabilem videlicet NICOLAI
munificentiam dedecet encomiorum parsimo-
nia. Ætates LUBRANSCIORUM gemmeas
posteritati grata devovit Respublica; horas om-
nes, quæ aureo decurrant pulvere; pro auro in
hæreditatem Patriæ præclarè erogato. Sed non
Fortunæ solùm impendia, in publicum contulit
NICOLAUS; omnibus etiam thesauris cario-
res, in Reipublicæ commoda, procreavit Filios.
Exhibuitque se gratam Patria, cùm in altero ma-
gni Patris merita Pro-Cancellarii Regni annulo
consignavit; & regale Palatini munus, sæculo-
rum ambitu dignum coronari, tenuit sub sigillo:
in altero THOMA Castellanam Brestensem Cu-
ja-

Nicolai Pala-
tini Filii duo:
unus Pro-
Cancellarius
Regni, alter
Castellanus
Brestensis Cu-
javie circa
annum 1529.
Dfugossus &
Neugebauer.

965

javiæ Purpuram, velut hæreditario jure, conse-
 cravit LUBRANSCII. Crevit in utriusque le-
 ctissima Sobole pretium æstimatissimæ Domûs,
 usque ad summum titulorum; cùm Illustrissi-
 mam Prolem nec Honoribus definiri Respubli-
 ca, nec numero arctari voluit natura. Tres Pro-
 Cancellarii Regni Filiæ, Charites Patriæ dici me-
 rerentur, nisi in unum cumulas omnes Dearum
 Gratias superâssent; & in meliorem Reipublicæ
 sortem natæ, Matres Familiarum existissent.
 Harum una, trabeatorum Lechiæ Quiritum, Ma-
 joris Poloniæ Generalium, maximarum Præfe-
 cturarum bajulâ, OPALENSCIORUM Argo,
 ad portum contendit Honorum. Alteram
 PRZYIEMSCIORUM Cælum inter primæ ma-
 gnitudinis Altra retulit, ut aviti sideris auxisset
 splendores. Tertia in altum gloriæ, cum Gen-
 tititia CHLEVICCIORUM sagitta, evolavit.
 Jam Illustrissimus CASTELLANUS novem Fi-
 lios, velut Exercitum Heroum, in lucem, & in
 aciem eduxit. Compingam singulorum enco-
 mia, ægre equidem Fratres Paternarum Succes-
 sores virtutum, se ab invicem laudibus disjungi
 sinunt. Nullus Illorum Hæctoris GODZIEM-
 BÆ noxa, quivis æmulus: Nomen omnes trans-
 scripserunt Marti, manum Heroicis admoverunt
 facinoribus. Ut prius Bellonæ clavas ferrent,
 antequam fasces, & confertissima Magistratuum
 Regni insignia; jam Castellani & Succamerarii,
 jam Præfecti Excubiarum, & Vexilliferi, jam Ju-
 dices & Capitanei possiderent; bellicis prius ge-
 stis, & gloriosius tercentum Fabiis implerent ca-
 stra LUBRANSCII, quàm graves meritis ad Cu-

Pro-Cancel-
 larii tres Fi-
 liæ: Opalen-
 scio, Chle-
 wiccio, Przy-
 iemscio de-
 sponsatæ.

Thomæ Ca-
 stellani no-
 vem Filii Co-
 mites in Lu-
 braniec.

966 riam & Senatum, cum Majestate transfirent. Quanti Heroës istos æstimaverit Polonia, cum illis inita armorum cognatione Principes comprobaverunt Familiæ: quasi pro militari in Patriam obsequio, Nobilissimas Sponsarum, ut Bel-lonas Gradivis, daturas se fancivissent. Unus illo-rum in Sponsa RADIVILIA, Comitum Frater, in Ducum Comitem adoptatus, Castrensibus Aquil-is adjunxit Radivilias. Alter PILAVA, ut im-mortalis gloriæ trophæo, Godziembarum Ar-borem condecorans, de POTOCCIANO, id est: à cunis Patritio sanguine, in triumphorum, & vi-tæ sociam duxit VICTORIAM. Alter TAR-NOVIAM cum Gentilitia attraxit Cynthia, ad illam, quæ par est cælo, Domum. Integram alter desponsavit sibi Fortunā, divisō DZIALYNIO-RUM annulō, qui orbem meritis & honoribus plenum adæquat. Reliquis idem Hymenæi splendor affulsit, nullum inæqualis nubendi for-tis discrimen intercessit, inter clarissimæ Fratres Profapiæ, quibus grandes titulos in Godziem-biis sponsavit Mater Honorum Respublica. Jam à LUBRANSCIS ad DAMBSCIOS properat Panegyris, Illustrissime NEO-SPONSE, & im-mutato Nomine Tua semper manet. Non om-nia tamen Familiæ tuæ Nomina, & Numina per-currit stylus, nè in volumen laudum excrescat breve folium; nec adeò perspicax Suadæ no-stræ inest mentis acies, ut immensos splendores intimiùs scrutetur, & innumerabiles Phœbi ra-dios ad calculum revocet. Vix enim se capit! majori quippe admiratione tenetur defixa, dum unam GODZIEMBIORUM, LUBRANSCIO-RUM-

RUMque Gentem, tot sæculis in Lechiæ Senatu
 & castris propagatam, ad DAMBSCIOS quasi
 Regnum Honorum, Fraternali jure, cernit devo-
 lutum; quàm si denuo Romanos, Sabinosque,
 divisos antea populos, uno sub vocabulo, QUI-
 RITES confurgere videret. Nè itaque Atavos,
 Tritavosque Tuos de medio trophæorum, ho-
 norumque moveamus; è tanto Principum, Du-
 cum, Procerum, Comitumque exercitu, velut sol
 ex astrorum agmine, ad classicum Patritiæ Famæ
 evocatur, suorum olim militans Honori Nepo-
 tum, bellatorum GODZIEMBARUM cor & a-
 nima, Comes & Ductor, Togatorum Sarmatiæ
 Numinum Parens, Abavus Tuus, ANDREAS
 DAMBSKI, trium Filiorum, & totidem Patriæ
 Patrum, fortissimorum Triariorum Progenitor;
 primi Brestensi Cujaviæ, alterius Stonscensi, tertii
 Konariensi in Cujavia CASTELLANIS Purpu-
 ris conspicuorum. Et certè ivissem longius re-
 tro per titulos Senatores; nisi vel cum ipso AN-
 DREA Illustrissimo, in altum jam DAMBSCIA-
 NI enavigâssem sanguinis; non tamen absque
 subita hîc CASTELLANI Brestensis Proavi Tui
 jactura, & lugubri vitæ, secuturæque Prolis nau-
 fragio. Verùm quasi natura per fatum Fratris
 publico bono illatum damnum, liberalitate re-
 sartura esset: cùm doloris sensu decerpta Parca-
 rum manibus, aut incisa securibus PINUS avita,
 nobilius in altero Proavo Tuo, Castellano Ston-
 scensi, quadruplo nec degenerare Ramo propagata
 reviruit; in quatuor Castellani Illustrissimi Filiis,
 STANISLAO DAMBSKI, Coronatore Regis
 AUGUSTI II. Antistite Cracoviensi, & Duce

967.
 Andreas Co-
 mes in Lubra-
 niec Damb-
 ski Abavus
 Illustrissimi
 Neo-Sponsi
 trium Filio-
 rum, Regni
 Senatorum
 Progenitor.

Unus decessit
 Improbis ex
 Proavis Illu-
 strissimi Neo-
 Sponsi.

Alter Proavus
Castellanus
Stonscensis,
quatuor Filiis
Clarissimus:
Episcopo
Cracoviensi,
Palatino Bre-
stensi, Castel-
lano Konari-
ensi, & Ale-
xandro Duce
Legionario.

Severiae; SIGISMUNDO, Palatino Brestensi Cu-
javiae; ADRIANO, Castellano Konariensi Cu-
javiae; ALEXANDRO, marte Polono, cujus bel-
lica gesta jam supra inter Gradivi trophaea repo-
sui. Xerxea planè Arbor, poma aurea Regibus
porrecta, & uniones protulit, ad Principum Co-
ronas, ad Ducum & Praesulum mitras, ad Palati-
nas, Castellanasque tœnias, ad Martis denique
galeas; ut nullæ felicius frondes, pretiosius nul-
læ, vel in Semiramidum hortis, vel in Dodona
Deorum, gemmare potuerint. Ea illico celsi-
tudine fastigiorum eminuit in Filiis Pater, tot co-
ronarum Apex, purpurarum Flos, Celsissimorum
Sator Titulorum, Serenitatum Progenitor. Vi-
deat Lechicus Orbis, iturisque in sæculorum
memoriam, fastis imprimat: quàm excelsò glo-
riæ curru, NOBILISSIMÆ quaternariæ SOBO-
LI, velut aureis Fortunæ rotis innixo, ILLU-
STRISSIMUS CASTELLANUS PROAVUS
Tuus ferebatur; à Majorum suorum immorta-
lis Famæ Capitolio, per maxima, ad summa! Viâ
jam Appiâ, jam Palatinâ; longè latèque Praesu-
lum violis, trabearum flore, Bellonæ Laureis,
sexcentisque aliis Regni Insignibus instrata: pla-
nè nisi Rex Astrorum, medios inter splendores,
tali provehitur carpento; & non dissimili qua-
driga, coronatum olim Principem, Boleslaum
Justum, à quatuor Fratribus ad Thronum Poloniae
deductum, praesaga vidit mente, jam lumina clau-
dens CRIVOUSTUS PARENS. Sanè insigne
illud Paterni elogii genus est, rara apud alios, a-
pud DAMBSCIOS hæreditaria & constans Ge-
nethliaca Felicitas? Quot ILLUSTRES FILI-
OS,

969
OS, tot Familiæ columnina, aboriginum decora, Celsissimus Episcopus Cracoviensis Stanislaus Dambski, cælitus destinatus plurimis Infolis; Avus Illustrissimi Neo-Sponsi.
Patriæ Trabeatos Patres procreare; quot Natos, tot Infultos Vertices, Togata Sagatâque Numina censere. Fidem dictis adstruat ILLUSTRISSIMA CASTELLANA, CELSISSIMI PRINCIPIS STANISLAI, EPISCOPI CRACOVENSIS, Ducis Severiæ, Avi Tui Mater: quæ tennellam illius frontem, priusquam vidisset lucem, cæli, Infularumque splendoribus vidit circumfusam; ficque Natales DAMBSCIANI, ut olim KOSTKANI, ultra Domesticum jubar, Cerasque Majorum luce siderea inclaruere. Prodigioso planè lumine illustratæ utriusque STANISLAI Matres, nè ampliùs essent ignaræ, quantum munus Superum, quàm ILLUSTRES FILIOS utero foverent; & ut feliciores, sanctioresque Hecubæ, radios, faces, ardentésque sagittas, sed contra Hydras: flammam, sed vigilem pro Patria, parerent. Neque cum illa Infularum multitudo Infantis Capiti illabi, quasi in speculo spectabatur, Matris solum somnia fuisse crediderim, sed arcana quædam cælorum oracula: quibus adhuc Pusioni STANISLAO Præsulei Honores denuntiabantur, antequam turmatim in Patritium Virum irruerent. Et quamvis per sæpe præclaris Natalibus, paribusque gestis, sors injuriosa obicem crescendi ponat: dignos omni eminere subsellio, ad ima deprimit: vel, quod omni durior feto pejus est, repentinè quandoque ad Honorum fastigia elevat, ut eò graviùs præcipitet; nihil tamen juris habuit in DAMBSCIOS; & fas non erat unquam Fortunæ, contra Divorum de Præsule STANISLAO sancita rebellare.

Quamobrem ubi prima, & subito grandia Avi
Tui, ILLUSTRISSE DOMINE, merita MI-
CHÆL REX ad lancem æquitatis expenderat,
dimoveri à sententia non potuit, quin emeritæ
Illius fronti Chelmsensem Infulam adjudicaret.
Tunc pulchra inter Episcopales Tiaras de ver-
tice DAMBSCIANO, exorta contentio: incul-
pata alia ex aliis ferebantur inter Purpuras liti-
gia de Præsule; Pontificii Scipiones, jam tumul-
tuariè manui se ingerebant, jam longa expecta-
tione annuentis defixi stabant: bella deniq; inter
aras exarserant, ceris ipsis in lachrymas præ tæ-
dio diffluentibus; nec jam ex ordine, sed certa-
tim uno ore Antistitem DAMBSCIUM Diœce-
ses deponere videbantur. Placuit Joanni III.
vox illa, concertantium de optimo Regni Sena-
tore subselliorum; litèmq; approbante Roma
Rex diremit: congestis, brevi inter singulas in-
terjecta mora, Luceoriensi, Płocensi, Cujaviensi
Infulis in verticem STANISLAI: & nondum tot
vittæ Caput ex integro præcinxerant, omni di-
gnum Corona, quavis Cydari vastius; ut palàm
esset, Orbem ipsum immensis DAMBSCIO-
RUM meritis, Famæ, Honoribus, manere obli-
gatum. Adjecit itaque Principem Cracovien-
sis Cathedræ mitram, uno planè pollice mino-
rem Primatiali, & Vice-Regio Diademate, Augu-
stus II. ut efficeret Celsissimum; adhuc tamen
penes DAMBSCIANA merita, omnibus titulis
eminentiora mansit excessus. Quanta, & quàm
rara, tot & tantorum Regum in unius Præsulis
Honores conspiratio! passim novi Principes, in
eo maximè vicem Deorum adimplere gestiunt;

ut

ut novos pro libitu creent Patriæ Cives, inter quos Fasces & Præfecturas dividant; in unius DAMBSCII multiplicanda dignitate, succedentium sibi Regum, idem fuit studium, par æmulationis. Michaël Primus dignum curulibus in Senatu judicavit, muricem virtuti contulit, & Sanguini miscuit Nobilissimo. Joannes III. dignitatibus Præsulem auxit, id est: gratiam exsolvit Gratiis: prius quippe STANISLAUS JOANNEM, DAMBSKI SOBIESCIUM, suò ad solium calculò evexerat, coronaverat encomiò ante Diadema; antequam JOANNES STANISLAUM, quà (ut fasti celebrant) *sanctimonia, quà auctoritate, & facundiæ sacræ, civilisque laude, in Purpura conspicuum*, magnum hoc Regni Columnen, ad prima Senatûs subsellia invitaret; justius equidem, quàm Mamertinum Julianus, aut Trajanus Plinium; tandem Augusti II. imperiò Præsul coactus Consulem pariter agere, & Principem. Nec mirum; decebat Regem pro sui inauguratione, tanta meritorum retributio! quid æquius, quàm ut pro Regali Diademate Augustus, quod totâ dexterâ imposuit sibi DAMBSCIUS, & Caput Coronatoris Ducali mitra, & digitum inungentis sacrorum Antistitis, Principe Præsulum annulo, coronâset? Sed quæ hîc Lacone facundia vix attigimus Celsissimi Avi Tui, grandia in Patriam, paria in Religionem merita, quæ ut sui Fundatoris, Thorunenſe Lojolæ Filiorum Collegium in tabulis cordium exarata retinet, stylo gratitudinis amplificata brevî leges proluxius: ut sæpius tanti Viri dulci recordatione ad Tuum, vel hoc ipso nomine, gustum obveniat Panegy-

Joanni tertio
Regi Poloniæ
dedit suffra-
gium ad co-
ronam.

Zafuski l. i.
Epistola 32.

Coronator
Augusti Se-
cundi Regis
Polon.

912 ris. Properat nimirum oratio ab uno Avo ad alterum, & ab hoc rursus abit ad Proavos, Avósque Tuos, quò transversæ, longæ, plurimæque Majorum Tuorum viæ, illam abripiunt; nimis sollicitam, nè, antequam ad Te deveniant, tanto itinerum tractu lassâ, in hac tam ingenti Honorum sylva, alicubi fatiscat. In conspectu jam Illustrissimi SIGISMUNDI stetit, neque tamen à Germani Fratris Celsissimi vultu recessit: unus enim in alio relucebat, quoties velut gemini soles Palatinas, Præsuleasque Curules, æquali nominis Majestate, æmulis citra invidiam Purpuræ splendoribus irradiabant: concordésque animò & honoribus Fratres, in Senatu Consos, in Areopago Lycurgos, maximo cultu Polonia adorabat. Agnovitque extra Hispaniam Grandes, extra Gallias posse nasci Pares, DAMBSCIOS. Erat tamen non modica, eaque egregia, qualis Deos deceret, inter illos de Glória contentio: alteri ad immortalem famam, in Martis campo, viam per laureas sternebat ferrum; alter ad aras, fraterno ense profusum hostium cruorem, litabat Patriæ. Ille Victore gladio pro Majestate decertabat; hic forti consilio, dexteritate, Pontificio Scipione, Præsulea Cruce, adversas acies ab Augusti Throno propulsabat. Ille Reipublicæ, Hic etiam Religionis inimicos, monstra hæresum, profligabat: uterque civilem, Præsul insuper sacram condecoraverat Purpuram: ambo denique prima Tribunalis Regni subsellia, alter Præfidens, Mareschalcus alter, repetitis vicibus pari laude, incorruptæ æquitatis, occupârunt. Hac facerrimæ Themidis lance, nulli, nisi fontibus

one-

Alter Avus
Illustrissimi
Neo-Sponsi
Sigismundus
Dambski, Pa-
latinus Bre-
stensis Cui-
viæ.

Bis Regni Tri-
bunalis Ma-
reschalcus.

onerosa DAMBSCIORUM Decreta , aurea ⁹⁷³
GODZIEMBARUM sancita, toties ponderavit
Polonia; ut ostenderet , semper DAMBSCIOS
pro iustitia judicasse ; non secus, ac pro sua Solo-
nes Minerva, Lycurgos pro Apolline, Numos
pro Ægeria. GODZIEMBIIS iudiciorum San-
ctuarii libram moderantibus, in terras rediit A-
stræa : quod se tunc nec ad amicarum studia
partium, nec ad avaritiæ delubrum, nec ad cu-
juspian Pulcheriæ vultum , de Ara sua inflecti
posse crederet. Inter legum folia Arbor Scien-
tiæ , PINUS DAMBSCIORUM explicabat se
pulcherrimè, Themidi in laureas : cùm ad illius
mentem jus Regni interpretarentur , & ità for-
titer defenderent, ac si illud condidissent. Sta-
bat inter causarum momenta æternum fulcrum
æquitatis, Tribunalitiorum germen Scipionum,
Astrææ Colossus, marmoreis immobilior colu-
mnis, PINUS illa, quod nec maximo auri , gem-
marumque pondere sinistrorsum inclinaretur ,
nec ad iniquum popularis auræ susurrum pro-
penderet : nec ullam præberet criminibus um-
bram, nè protegere videretur, quæ vindicis ful-
gorem gladii expectabant. Jure igitur præter
Palatinos Fasces, Gentilitia GODZIEMBARUM
ARBOR, Vice-Regiæ in Tribunali Regni pote-
statis sceptrum subministravit Sigismundo, re &
nomine Cardinalium Principi virtutum; qui nō
creare duntaxat Reges, aſt Regno etiam jura da-
re merebatur. Non tamen omnes , sub Tri-
bunalitium Illustrissimi Palatini Scipionem ,
DAMBSCIOS convoco ; alioquin illi soli , ut
Heroës castra, Ministri Curias, laticlaviam Optima-

Adrianus
Dambski, Ca-
stellanus Ko-
nariensis in
Cujavia, Fra-
ter Palatini
Brestensis.

974 tes, ita Judices Areopagum Poloniae occuparent.
 Caeterum à sanguine, & gloria Fratris nullo se ju-
 re divelli passus ILLUSTRISSIMUS CASTEL-
 LANUS KONARIENSIS; Sigismundus Ly-
 curgum, Solonem in Tribunalibus æmulabatur
 Adrianus: in Palatinatum, & Generalibus Re-
 gni Comitibus, limatissimo ingeniorum acumine
 ambo Patriæ, & Familiæ Honori militabant. In
 castris spectabantur Germani Scipiones, in Sena-
 tu audiebant Fratres Cornelii. Et quamvis jam
 Purpuratum Patria Patrem haberet ADRIA-
 NUM, adjecit Filias Lucina, ILLUSTRISSIMO-
 RUM Matres Titulorum, geminavit in duabus
 Paterni splendorem muricis. Cum è Charitum
 numero altera, connubiali juncta fœdere, JO-
 ANNI KADZIDŁOWSCIO, Succamerario
 Inovladislaviensi, id est: inserta Coronæ Nobili-
 um Gemma; altera Gentilitio desponsa annulo
 CASTELLANIDÆ Culmenfi DZIAŁYNIO,
 perfecit auream Fortunæ orbitam: at minimè
 vitiosò circulò, ad Illustrissimum Palatinum red-
 eunt lectissimæ ex Fratre Castellano Neptes;
 desiderant suum sequi Patrum, Tuum verò A-
 vum Illustrissime Capitaneæ, rectissimâ ad Te li-
 neâ magnis passibus properantem; exambunt
 comitari Fratrem, Progenitorem Tuum ADAL-
 BERTUM, maximi Patris SIGISMUNDI Pala-
 tini, Grandem Filium, Mareschalcum Curiae Re-
 gni. Et jam Joves in solis Regiam Avus, Paréns-
 que Tuus, in Domum Nepotis, natique sui con-
 veniére! Sed quid ego Illos ad Te pervenisse di-
 co, qui nunquam à Majoribus Tuis longius re-
 cesseras? uno solo temporum interjectu sejun-
 ctis

Illustrissimus
 Adalbertus,
 Mareschal-
 cus Curiae Re-
 gni Sigis-
 mundi Palati-
 ni Filius, Illu-
 strissimi Neo-
 sponsi Pro-
 genitor.

etis intimè semper adhæres sanguinè, Honori-975.
bus, amore, meritis. Ausculta tamen, quæ gesti-
entium voces? quæ gaudia mutuò erumpunt?
altiùs subsilit Celsitudo Prosapiæ, dignitatis, glo-
riæ, in Avo Tuo: quòd illam Regni Scipio in Fi-
lio ADALBERTO evexisset, AUGUSTI Ma-
ximi propiùs admovisset solio; exultat Palati-
nus Patris Honor, jactâtque talem se genuisse,
qui Majorum trabeas antegressus, Regum fieri
meruit Anteambulo; & quasi nitidissimam in
Reipublicæ facie crySTALLUM, lucem, quam acce-
perat, reddidit ampliorem. Jam Mareschalcus
in Majestatis conspectu, lætos induit vultus, quòd
Paternum SIGISMUNDI sanguinem hauserit
intrà venas; quò possent omnes tingi, & exorna-
ri Purpuræ; Illúmque Gloriæ suæ censet Auçto-
rem, qui omnium Hæres est Titulorum; & Pala-
tina Curuli eminentior summos etiam Regni Fa-
sces meritò excesserit. Uterque tandem Patriæ
Consul, Avus, Parénsque Tuus, optimè Tibi Il-
lustrissime Domine prospiciunt, dum in hono-
res, laudésque Tuas conspirant; virtutum jubar,
splendores muricis, ILLUSTRISSIMÆ Fami-
liæ radios, per GODZIEMBAS, LUBRANSCI-
OS, DAMBSCIOS, latissimè diffusos, in te, velut
in centro, colligunt: à quo deinceps ad Dignita-
tum apices, Nobilior Archimedes, Polonus Ho-
nor, multiplices, extremósque Nepotes, id est:
æquales primis, sanguinis Tui ducet lineas, ut de-
monstret DAMBSCIANAM Domum primo-
rum Lechici Cæli siderum sphæram esse, sereni-
tatum Patriam, Syracusiâ pulchriorem machi-

916 nâ, præclarè factorum molem, circulum gloriæ
 absque termino. Totus ille, quantus erat, Avi,
 Patrîsque Tui splendor, Tuus est: luces ILLU-
 STRISSIME, Illis comparatus, ut Parelia. Non
 hîc tamen ILLUSTRISSIMI Progenitoris Tui
 meritorum laudumque Zodiacum percurro; so-
 lis enim id munus est, siue Tuum: meum brevî
 erit; non procul indè dissi- tō stylō ubi Te Ma-
 tērque Patērque in sublime efferent, serenissima
 adorare vestigia. Neque modò ILLUSTRIS-
 SIMI Progenitoris Tui Germanorum Fratrum
 STANISLAI, ADAMI, & ANDREÆ, in ipso
 planè ad Honores exortu, fas est flere occasum;
 cū non bene conveniant flebiles nœniæ, & gau-
 dia Hymenæi. Unicè quoque studet nunc Sua-
 da, longam Generis Tui seriem ad Te usque de-
 ducere; & quamvis ab ipsâ jam Stirpis DAMB-
 SCIANÆ Radice, ad Ramum illum devenerit;
 à quo Te, Nobilissimum Palmitem, ostendit or-
 bi progenitum: adhuc tamen ad ILLUSTRIS-
 SIMUM Patrum Tuum ANDREAM, cogitur
 redire; nè aberrare censeatur, si ab illo deflexerit,
 cuius se Fratrem profiteri, ILLUSTRISSIMUS
 Progenitor Tuus, singulari quadam gloria duce-
 batur. Hunc jam in militia Hectorem spectasti,
 & inter laticlaviam Numen habes; à quo etiam me-
 ritis, titulis, annisque refertissimo Senatore, No-
 men sibi præclarum vindicare posset Lechiæ Se-
 natus. Fundit adhuc de Palatina curuli, quasi de
 Tripode Phœbus, oracula; in Religionis com-
 moda, in emolumentum Reipublicæ. Nempe
 sibi non degenerem JOANNES edidit vocem,
 celeberrimum Senatorem ILLUSTRISSIMUS
 KO-

Illustrissimus
 Andreas, Pa-
 latinus Bre-
 stensis Cujas-
 viæ, Filius Il-
 lustrissimi Jo-
 annis Damb-
 ski, Castellani
 Konariensis,
 Patruus Illu-
 strissimi Neo-
 Sponsi.

KONARIENSIS, Castellanus Palatinum. Talem futurum, primis statim lineamentis Paterna in Purpura clarissimi Natales expresserant: perficiebant tamen ANDREAM, quasi opus sæculorum, grandia diu merita; adorabant pulcherri-
ma Reipublicæ munia in Cujavia, jam Vexilli-
ferum Brestensem, jam Capitaneum Naklensem,
tum Succamerarium; tandem CASTELLA-
NUM BRESTENSEM; tanquam Palatinus,
Trabeatorum Patrum fieret prototypum. Pri-
stinus damnatur fastus Cæsarum, quod succol-
lantium Civium humeris, in solium inveheren-
tur; excelsior, & ab omni jactantia remota, AN-
DREÆ Nostro manebit gloria: quod Brestensis
olim Nobilitatis in Cujavia Princeps, Polonorum
Quiritum cordibus, rariore Pompa, in Senatum
importari spectabatur: prodromo, comite, &
pedisequo insignium facinorum exercitu. Sin-
gula recensere, voluminis est, non folii: unum
tamen, pro mille præclarissimis gestis, fama per-
rennis loquetur Zelum ILLUSTRIMI Palatini,
SERENISSIMI AUGUSTI, & Reipublicæ Judi-
cis DEPUTATI in vindicando NUMINIS, &
DEIPARÆ Honore, majorem, quàm olim esse
poterat, pro Aris & Focis, pro Diis Penatibus;
quem si tacuero, publicum marmor prædica-
bit. Unum illud nunc suo Religio Defensori;
castra Robori, Conso Senatus, Achilli Respubli-
ca optant, & vovent: ut diu Superi servent su-
perstitem; quanquam, in quibus post fera fata
vivat, habet, Natos, Paternæ Hæredes gloriæ.
ANTONIUM, bellica Progenitoris virtus, Pro-
digium Heroum, lateri suo primum adjunxit:

Illustrissimi
Andræ Pala-
tini, quatuor
Filii: Anto-
nius, Casimi-
rus, Paulus, &
Josephus.

978 Themis quoque armavit gladiô, CAPITANE-
UM BRESTENSEM Cujaviæ ; Minerva inge-
niorum, rationûmque telis instruxit, in Regni Co-
mitiis Cyneam : ut pro suo, Patriæ, Patrîsque ho-
nore, strenuè ubique decertet. CASIMIRUM
Dapiferum Brestensem in Cujavia, Palatinæ Flo-
rem protulit purpuræ : & Regio Illustrem No-
mine, & Principatu eloquentiæ clarum ; quem
AUGUSTI Throno, Lechici Senatûs ore locu-
tum, Romana audivit Majestas, & admirata : quòd
in Polono Oratore, rursûm Tullius personaret.
PAULUM, Consorte Nobilissima, alti POTU-
LICCIANI Sanguinis Gemma, CZARLINSKI-
ORUM, LIPSCIORUMque cognato decore
Fortuna Orbis Poloni coronavit. Mars quoque
Sarmatiæ in caput JOSEPHI laureas congeffit :
cùm DAMBSCIOS Dii ipsi non uno censeant
dignos diademate. Sed quousq; in hac DAMB-
SCIANA Sylva Honorum detineor ? Ignosce
Illustrissime CAPITANEE, quòd jam à remo-
tioribus Stirpis Tuæ ramis, & Consanguinitatis
non una Arbore Suadam retraham ; à longe dun-
taxat adorabit ingentia tot aliorum DAMBSCI-
ORUM Nomina, per Palatinatus Minoris Polo-
niæ laudatissima, id est, Suffraganeos Cracovien-
ses, Castellanos Woynicenses, Biecenenses, Sierp-
scenses, Konarienses. Quos Senatoria Curulis,
vel hoc ipso satîs raro ad sidera attollit encomio,
quòd illam hæreditario quasi jure, continua lau-
dum & annorum sexaginta serie, Castellanam vi-
delicet KONARIENSEM Purpuram occupa-
rent. Hunc porrò Generis, Honorisque DAMB-
SCIANI ordinē, ad Te, Illustrissime NEO-SPON-
SE,

SE, Germanúmque Frátre^m Tuum, Illustríssi-
mum SIGISMUNDUM, Capitaneum DYBO-
VIENSEM, qui Principum, Comitum, Trabea-
torum Patrum, & Majorum omnium maximum
compendium, & Corona estis, recto nísí traníte
studíu decurrere; nè obliquas hinc & indè den-
físsimè confluentis Familiæ Vestræ Appias per-
currens, Provincias cogerer & Regna peragraré.
Et quamvis omnes Prædecessorum laudes, cum
præclaro sanguine, in Vestras influxerint venas;
illas tamen à peculiaribus Celsíssimorum Paren-
tum, Vestrísque encomiis, velut mare unum ab
altero, dividit Panegyris: ubi convenerint, faci-
ent Oceanum; qui universam ambit Gentem
Vestram, immensam Honorum Sylvam. Quæ
jam grandem umbram projicit in paginam, suo
tamen elogiò illustrem.

979
Illustríssimus
Sigismundus
Capitaneus
Dybovicensis,
Frater Illu-
stríssimi Neo-
Sponsi.

I Te, monstroforum spelæa Deorum!

Clára fabulis nemora:

Jupiter, Mars, J. n. o, Mercuri, sexcentaque Numina,

E truncis Phidiæ manu excitata:

Quid, nisi lignorum strues, rogó digna?

Dodonâ Nobilior, **PINUS DAMBSCIANA:**

Arbor una, Nemus titulorum.

Hanc dignitatum Sylvam **DAMBSCII** incolunt;

Ritu Deorum coli possent,

Nisi mallent viva esse, quàm ficta Honorum simulacra.

Omnibus præcelsi Genii dotibus absolutissimi,

MERENTUR:

In **RADIVILIIS**, *Joves Sarmatiæ adorari;*

MICHAELI I. JOANNI III.

Poloniæ Regibus Cognatione Proximi;

In **LUBOMIRIIS**,

Cæsariani Principes Sanguinis;

In **GODZIEMBIIS**,

MATHIÆ *Hungariæ & Bohemiæ Regi,*

M

Ex



Ex CORVINIS, Affines :
In Senatu, cenferi STATORES:
In Lechiæ Zodiaco, appellari OLYMPII:
In Castris, TONANTES Maximi:
Inter Regnorum Legatos, MERCURII.
Sed Nomen à commentis acceptum displicet,
Esse Dii citra superstitionem volunt ;
Quales LUCINA & HONOR formavit.
Quibus ad paludotas Dignitates tendentibus,
Nè ullus in via obex esset,
 Primigenius **GODZIEMBA** extirpavit Arborem;
 Et illico plantavit **STIRPEM,**
 Cujus deinceps Rami sufficerent :
 Aureos fructus, Regibus,
 Præsuleis, & Regni Annulis, Gemmas;
 Senatui, Fasces ;

*Marti, Serta; Minervæ, Folia;
Vel pares essent, ut jam ex illis,
Themidi, Areopagus: Palladi, Athenæ:
Honori, Templum:*

Consanguineo Familiarum Cælo,
In POTOCCIIS, quibus THEODORUS, Phæbus est:
PRIMAS Regni, Primusque Princeps,
Id est:

Providè à Superis concessum Patriæ,
Cælorum MUNUS;
In TARNOVIIS, DZIAŁYNIIS, OPALENIIS,
PRZYIEMSCIIIS, LIPSCIIIS, LACCIIS, POTU-
LICCIIS,

*Solis planè Regia consurgat.
Hæc subintrantem Domûs Magnæ limina,
Secures terrent, fascésque excubantes;
Et avitæ adstat Arbori vigil Alcides.
A limine porrò adorandi, nec movendi:*
DAMBSCII, & LUBRANSCHII.

*De curulibus Majoris Minorisque Poloniæ,
Omnes de Gente hæc HONORII, & MAXIMI:
Etiam laudibus attolli se non sinunt;
Labor hic Hercules est.*

Ipsi tamen Cruces sufferunt Præsuleas,
CRACOVIANENSES, CUJAVIANENSES, POSNA-
NIENSES,
PŁOCENSES, LUCEORIANENSES, CHEŁ-
MENSES, EPISCOPI:

Atlantis humerò Senatorias attollunt Togas,
POSNANIENSES, CALISSIENSES,
BRESTENSES Cujaviæ PALATINI:
JUNOVSLAVIANENSES, WOYNICEN-
SES, KONARIENSES, CASTELLANI;

*Clavas, Scipiones, Signatorios gestant Orbes;
Ut palam sit:*

PINUM DAMBSCIANAM
*Nec sexcentorum temporum dente arrosam,
Novis in Annos, quot Ramis, tot Meritis
revirescentem,*
In SYLVAM crevisse HONORUM.

Joannes Lubranski, Episcopus Posnaniensis, Alexandri Primi; & Stanislaus Dąbski, Episcopus Cracoviensis, Augusti Secundi, Coronatores.

ET adhuc ultrà crescet; quæ deputari non timet: nunquam illa dignitatibus **DAMBSCIANIS** in terminalem degenerabit columnam; quos jam à Senatu ad Solium provehunt merita, in Celsissimis Majoribus, Regum Poloniæ Coronatoribus, **JOANNE** Posnaniensi: **STANISLAO** Cracoviensi: Præsulibus. Rectè Ministeriales annulos, minores veluti coronas, **LUBRANSCIANA**, **DAMSCIANA**que dexteritate strictiores dixerim, quàm Regum etiam diademata ambire videbantur; & manum, omnium Regni Fascium capacissimam, sceptrum deponere. Non illa quidem diu tenere, quamvis mererentur, à libidine dominandi alienos, Sacrorum Principes decebat; in orbis tamen æstimatione, perinde erant Regum Inauguratores, ac si regnassent; quòd dignis imperia detulerint. Imò Magnò Alexandro, & Augustissimis Pares, aut Majores, censuit Respublica, cùm ante illos genu inflexerit gemina Majestas; priùs quàm in throno confedisset. Digna coronis omnibus Præsulum demissio, quæ se Regno, quod aliis consecravit, abdicarat. Quos tamen illa fugere constituit, affecuta est Honores: & **LUBRANSCIANAM**, **DAMBSCIANAM**que Domum in solis Regiam commutavit; unde in suam inaugurationem educti Principes, subito apparuerunt Reges. Jam scire vellem, plùsne lucis acceperint Serenissimi ab Illustrissimis Inauguratoribus suis, quàm Illustrissimi ex comitatu **SERENISSIMORUM**? Adfunt **ALEXANDRI** unus, **AUGUSTI**, gemini **GLADII**; rescindant nodum,

velut Gordium. Decidant pro æquitate Maje-^{983.}
states : aut STANISLAI Fama , quæ Lechicus
Orbis sentiat, divulget. Decisum est! æquali u-
trinque lance, Regum & Præfulum librari Hono-
res. Ducum tempora, mitræ & laureæ: Antisti-
tum frontem Infulæ præcingebant: desideraban-
tur adhuc coronæ; & cùm Pontificias movere de
vertice tiaras non auderent, ad manus Præfulum
devolutæ; has Serenissimis Capitibus imposue-
runt Pontifices, & fecerunt Coronata. Libera-
lior verò AUGUSTI dextera Ducali mitra re-
pendit diadema; ac DAMBSCIUM, quòd se ad
solum evexisset, voluit esse CELSISSIMUM.
Ità Reges honorabant DAMBSCIOS! erigebant,
cùm Capita Illis submitterent; ut, quamvis uno
minores diademate, altiores tamen tunc essent
Majestate. Quid? quòd eodem planè ad Aras
juramento, in JOANNE & STANISLAO Pa-
triæ, & DAMBSCIANÆ Stirpi, Regiam fidem
Principes obstrinxerant: ut illius videlicet jura,
hujus gloriam tuerentur; cùm pari ad Crucem
Præsuleam, adjecta Religione, Regali tæniæ obli-
gatos viderent DAMBSCIOS. Verùm aliqua
species intercessit discriminis, inter ejusdem Ge-
neris, id est: fidi semper Regibus, Inauguratores,
LUBRANSICIO pro ALEXANDRI Principatu,
ferrei campum certaminis sustulit aurea Pax, &
Concordia. Polonæ Aquilæ, amoto fulmine,
Jovi suo prævolabant; cataphracto LITHVA-
NIÆ Heroi, nullus, contra quem stringeret cha-
lybem, in Regia Via occurrit hostis: ac si omnes
cum JOANNE Charites coronâssent Principem.
Non hæc fors, illa temporū tempestate, DAMB-
N SCIO

9⁸⁴ SCIO contigit: quâ vix gemini SAXONIÆ mucrones suffecerant, ut facilem DUCI suo sternerent viam ad solium; cum bellico turbine POLONIA, velut altera fumabat Troja, ad excitatos à tot adversis Martibus, ceu totidem Vulcanis, ignes; suam interea fidem erga Regem fuisse auream, clarè comprobaverat Præsul. Genuina Martis Lechici Soboles prodigiosi Herois GODZIEMBÆ vera Propago, Tonanti Poloniæ imposuit diadema; unxit Principem Athletam, agiliorem deinceps futurum ad prælia; quasi præfaga mente, sanctior VAVELLI Antistes, alter STANISLAUS, perspexisset; quòd illa non parvi momenti bella, discoloris Saxoniae campi, longam aliquando paritura essent Sarmatiæ pacem. Vidissem tunc PINUM DAMBSCIANNAM, non secùs ac Æliani arborem horrenda infelicitatis publicæ nocte, sideris instar, effulxisse Patriæ; aut Plantæ illius traxisse naturam, quæ Indis solis speciem refert; & ità splendores assurgentis, crescentisque folii accommodat, ut sol in ea accrescere etiam videatur. An equidem non Regni Poloniæ soles, DAMBSCIANA Arbore, ut Phœbi Colossò ad solia proVecti assurrexere? ità sanè: hoc olim in LUBRANSCIO & DAMBSCIO spectavit Lechia & Saxonia; id quoque in icone saltè habeat posteritas. Sæcula indè mensuram accipiant CELSISSIMÆ Stirpis DAMBSCIANÆ.

Plinius.



HUc convolate Regni Aquilæ !
 Joves Vestros coronant DAMBSCII;
 Nobis ad Illorum elogia pennas concedite :
 Vos in Celsissima PINU consistite :
 Hinc facilis in solium volatus.
 Si placet ?
 Ad Lechiæ Serenissimos Soles explore fide :
 Hoc, etiam illi, assurrexere Colosso.
 Debentur Vobis diademata ?
 Ante LUBRANSIUM & DAMBSCIUM,
 Cum ALEXANDRO, & AUGUSTO,
 Demittite prius capita ;
 Ut erigatis CORONATA.
 Thesaurum Lechiæ, Fortunam Poloniae, Orbes aureos,
 In manibus quærite DAMSCIANIS;
 Et grato pectori tandem admove PINUM :

Quæ aurea Regibus peperit **POMA.**

Permittimus tandem,

Cum Principum Familia, Volucrum Regine,

JOANNI, & STANISLAO *jurata;*

Evolate jam in altum:

Implete magnis clangoribus orbem;

Audiant Regna:

Inauguratores Regum fuisse **DAMBSCIOS.**

Ut constet, quanti sint?

Cum sceptrâ illorum magnitudinem metiantur;

Quibus, & Regum, & Patriæ, & suam

Felicitatem erigunt, ac fulciunt.

Ornant Majestates, & ornantur ab Illis.

Excelsiore tamen animo solia transcendunt,

Nimirum frontem Principum coronant:

Coronas non ambiunt;

Quamvis fortissimi de Gente **GODZIEMBARUM** *Viri,*

Aureas, Civicas, Murales, & omnes mereantur.

Malunt dignitatibus Patriæ servire,

Optimis Illam Regibus augere,

Quàm regnare.

Ut plus Illis semper Patria debeat;

Quàm ab illa acceperint.

At REGES deducti ad Thronum,

Abire à latere suo **DAMBSCIOS** *non sinunt,*

Nisi viâ Regiâ, ad Honores.

Sceptrâ, fascibus: diademata, mitris rependunt:

Pro fructu aureo, sementem reddunt titulorum.

In suo Exortu accendunt Illis

Meridiem Dignitatum, Serenum gloriæ:

Sidera, & Reipublicæ, & Coronariæ Stirpi

SALUTARIA.

Regales Purpuras ad vicem folii, explicant;

Immortalibus Nominis **DAMBSCIANI** *Fastis*

Inserendi.

Agite **DAMBSCII!**

Diem **CORONATIONIS**

ALEXANDRI I. AUGUSTI II.

Inter Festa Palatii

Reponite:

Pares, vix secula conscribent, **ANNALES.**

Sed pennam meam, Celsissimi AVI Tui, STA-
NISLAI Præfulis, Illustrissime Neo-Sponse,
liberalis in Filios IGNATII dextera adhuc deti-
net, ad Te aliàs, omni nisu, festinantem. Nullum
equidem reor, ut in Cælites, ità & in terrarum
Deos, crimen posse contingere gravius, quàm
reportata patenter beneficia, ingratae mentis ob-
livione obruere. Certè stylum, si Fundatoris
non attingeret laudes, lapides ipsi retunderent;
& planè ignoro, qua fronte Orator pupillam de-
figerem, in ædis amplissimæ, quam incolo, pri-
mam faciem? si hîc lingua obmutesceret: ubi il-
la licet elinguis, eloquens est; illud de Publico
pariete, velut de Cathedra Demosthenis, Urbi &
Orbi Lechico, promulgans:

CELISSIMUS PRINCEPS
D. STANISLAUS *in Lubraniec* **DAMBSKI**
EPISCOPUS CRACOVENSIS, DUX
SEVERIÆ.

*Societati JESU hoc Domicilium,
Religioni propugnaculum,
Gloriæ suæ perenne monumentum,
Magno sumptu, majore Gloria, maxima ædificatione,
Erexit.*

IMò ipsi JOANNES & IGNATIUS Divinissi-
mi, pro sua quasi Domo agunt Oratores; cujus
inquilinos, Ille è propinquo in sacra Æde sua,
Apostolici laboris: Hic Zeli sui gloriatur habere
Socios; & uterque Architectam Principis Nostri
beneficentiam, Cælestibus linguis dilaudat. Cu-
ram illi quoque suam Munificentiae STANI-
SLAI adjicient; ut quam æquè amplam, ac fir-
mam, Cracoviensis Petræ ANTISTES posuerit
molem, inter turbidos quandoque vicini Vistu-
læ

læ fluctus, fervent immobilem. Celebramus ergo aurea in IGNATIUM Fundatoris beneficia, quoties illa memoramus; ad Ignem à DEO illatum, & ad tot Lydios Ædium Nostrarum lapides, abundè comprobata: quorum nullus terminum ponet gratitudini, quia Præful, Columna Fidei, omnem movit: ut militanti pro Ecclesia Societati JESU, munimen erigeret; adverso, etiam ad avitas Urbis Portas, Annibali formidandum. Jam Pallas Nostra DAMBSCIANUM Collegium diserto quotannis ore, in Tullii Rostris percelebrat; & pro Pyrrhi circulo, Præfuleum, id est: Doctorem præferet annulum; cui Musæ omnes cum Apolline, quasi folio infederant; vel quem, ut Delphicum Numen, PRINCEPS Antistes, explanatione Scripturarum, limati ingenii perspicaciâ, Sapientiæ luce, hætenus irradiat. Et quidnî noctes Atticas serenaret, Clarissimus Munificentis, & Scientis Præful, qui Regna & Orbem Nominis, Famæ, meritorumque suorum splendoribus implevit? Unde iterum DAMBSCIANARUM laudum dignitati adjicitur, Honore laudantis Patriæ, & Religionis. Illa Præfulem, cum publicis negotiosus vacaret commodis, Reipublicæ natum asserebat; hæc, quoties feriatum videret, DEO; illa, GODZIEMBARUM de Gente Infulatum Principem, an galeatum Heroem, dum ad certamina cataphractum Militem impendiis suis animabat; hæc STANISLAUM, ad Aram Fidei Orthodoxæ litantem Legionis suæ triumphalem sanguinem contuebatur. Tempestate illa Dux & Antistes colebatur, velut in tutelam Lechiæ demissum cælo Palladium; cum Pontificia mente, sanctius invicti Nu-

Merita Cellissimi Fundatoris, in Patriam, Religionem, & Societatem JESU.

Numinis simulacrum, extra Ilium conlilit; & ad
 nutum Vigilantissimi pro Rege; & Grege Pasto-
 ris, de victoriosa PINU surrexit exercitus hasta-
 rum, in suppetias Gladiis & Coronæ AUGUSTI;
 donec illi primordiis planè lethale, in vitale com-
 mutâisset pomum. In quot se tunc figuras, bono
 Publico formabat DAMBSCIANA Arbor? ex-
 aruisse videbatur inter tot turbines & procellas
 Heroum animus? effloruit illa in trophæum: nu-
 tabat solium? fuit illa fulcrum: concutiebatur
 bellis Polonia? trementem stabilivit immota; &
 cùm jam dolor, livorque quasi ultimam cruenti
 naufragii tabulam, extra Regnum cum Majestate
 deduceret, apparuit ARGO; non rapto, sed ser-
 vato aureo Vellere Nobilior; digna fideribus
 consecrari. Nec finè Urbis & Orbis comitatu,
 reduxit in Saxoniam Antistes Illustrissimus, Se-
 renissimum: Roma illico Regem, Regisque Co-
 mitem laudibus profecuta; meruitque Latio in-
 claruisse DAMBSCIUS, quo Palinuro, Cymba
 PETRI, in Heterodoxi Principatûs Portu, ad ve-
 ritatis scopulum, innoxia visa est constitisse. Hic
 jam ut Regni, ita elogiorum limites excessit
 laudatissimus, in Religionem Præfulis Zelus;
 quoties Gens illa, quis edifferet? nè diutiùs vivat
 acephala, Hortatorem habuit STANISLAUM;
 quoties pro prisca Fide locutum, velut è suggestu
 Paulum audivit? & mirata est Sedes Petri, Anti-
 stitis Poloni ore, extra Græciam, Chrysostomum:
 extra Latium, Augustinum, pro avita Religione,
 in medio perfidiæ, tanta libertate perorâsse! Ob-
 mutescat hic stylus, ratio tacendi adest; satis jam
 Roma locuta; quot verba, tot oracula de DAMB-

99^o SCIO, profudit à Tyberi VATICANUM : & INNOCENTIUS à prolixis nos laudibus retinet; quas ut Iliadem in Nucleo, in BREVI Pontificio conclusit. Inferite BREVE istud, Domûs Vestrae Annalibus, DAMBSCII ! tam luculentæ Celsissimi PRINCIPIS ex Cathedra commendationi, nulla par Panegyris; elogiorum omnium summa est; fidem habet à manu SANCTISSIMI; pretium ab Annulo Piscatoris. Si tam gloriosa egerat pro exule Religione in Principatu illo Orthodoxus Præsul; quantum illius commodis invigilaverit; ubi Patriam nacta, quos sudores eliquaverit in propaganda Fide? Qui in gemmas coaluere non unius Pontificii Tiaræ. Longum esset ire per singulas, quas regebat, Diœceses, & ubique vestigia pietatis, providentiæ, liberalitatisque Religiosissimi Antistitis relegere: subsistere cogeremur continuo, jam ad valvas Ecclesiarum, Fundatricem Godziembæ PLINUM adoraturi; jam ad nova, in Numinis, Divorûmque Honorem atria à DAMBSCIO consecrata; & ubi tantum Præsul plantam fixerat, dilatantis se Ecclesiæ Plantam miraremur designatam. Ad Balthidem dictio refunditur, dicat Emporium Prussiæ Gedanum, in quod infanda Mennonis colluvies influxerat; quàm exquisitâ Judex Infulatus solertiâ, fundum illius scrutatus, nè intrâ viscera fallacis sectæ fortè lateret Arrius, pridem Regno profugus? Diem tenebris dixit DAMBSCIUS, latebras discussit, ad Fidei Professionem impulit, ipsamque lustralem Mennonis undam repurgavit. Tantierant pro DEO, & vera Religione Præsulis Nostri progress-

gressus ; tam celeres in Fidei commoda motus,
 ut assequi laudes nequeant. Lætabatur proinde
 IGNATIUS in benevolo tam magni fideris
 aspectu , suam obversari Societatem ; & decre-
 vit , immortalem gratitudinis lucem , suis alere
 favillis. Abiverat in cineres, nescio, quo fato ?
 nostrum extra Gedani portas Templum, surre-
 xit illustrius, beneficiâ Antistitis : & amplio-
 rem condidisset molem intrâ Urbem ; nisi hæc
 pati potius exules , quàm habere Concives ma-
 luisset. Sacellum tamen Nobis Regium addixe-
 rat, illius scilicet Petræ vestigia, supra quam fun-
 data Ecclesia, omnes furentis maris fluctus ridet.
 Jam ab Oriente Barbaricus erumpens turbo, ex-
 pugnatô Camenecô, dissipaverat Socios, collegit
 Paterno sinu Beneficentissimus Præsul : Tertiæ
 Probationis Domum Nostram, pro DAMBSCI-
 ANA Dignitate, Kaczkoviensi excepit palatio ;
 & inter egregia negotia providentissimus Anti-
 stes habuit, ut omnes afflueremus commodis,
 quasi in Patria , non in exilio commoraremur.
 Habemus gratias DOLOROSISSIMÆ PA-
 RENTI, quòd olim exulibus suis tam bene pro-
 spexerit, cùm Maternas curas , veluti cum com-
 muni Societatis Patre, Præsule DAMBSCIO di-
 viserit. Sed heu ! quantum cordi nostro infli-
 ctum vulnus, quòd tam citò hanc Nobis, Religi-
 oni, Patriæ animam eripuerint fata, ut Cælis red-
 didissent celerius. O quanto commota dolore
 Collegii DAMBSCIANI fundamenta, hac PINU
 securi Parcarum percussa ! Legant ergo mœrores
 nostros sæcula, quos læsi exaramus in marmore ;
 sed legant & solatia, quæ in tabulis cordium scri-
 bimus.



QUO erigeris Moles ?

Rues, collapsa Fundatrice **PLANTA.**
 An mox à morte chari Præfulis,
 Non in sepulchrum Niobes componi debueras ;
 Cùm Incolæ tui obriguêrem cœrore ?
Ingemuimus velut sub sylvarum strage,
Oppressi fato Præfulei **GODZIEMBÆ !**
STANISLAI lethum senserunt Reges,
Ac si totus in uno Principe exspirâssêt Orbis :
Intremuit Patria, suo corrueute Patre ;
Nos ipsi staremus hac ruina immoti ?
Ædium nostrarum Fulcrum concidit,
Quidnâ concuterentur dolore ?
Manebunt tamen firmiores :
Bene **DAMBSCIANIS** *oneratæ gratiis ;*
Pro ponderoso animi Deposito,

Æter-

Æternâ Aurei Principis memoriâ,
Pro laminis aureis,
Perenni gratitudine flagrabunt tecta :
Vicem redditura Principi DAMBSCIO,
Qui cineribus suis fovet ignem LOYOLÆ:
Hos CRACI Regia habeat sub Clavi PETRI,
Nos in pectore, Amori nostro,
Erigimus Mausolæum :
Aut gratum Phœnici Familiæ bustum.
Non enim integer Orbe Polono excessit STANISLAUS,
Magnam Nobis sui Partem reliquit,
In beneficentissimis NEPOTIBUS.
Nam intremuit quidem GODZIEMBIANA PINUS,
Avulso Principe Ramo :
At non corrui;
Cui mox Lucina & Fortuna substituit duos,
ANTONINUM, & SIGISMUNDUM;
Ut Celsissimæ Consanguinitatum Arbores
Avulsione renascantur.
Excrescunt jam in fulcra Familiæ,
Plantæ marmoreos inter Colossos reponendæ:
Quid, si una Domus Nostra casum metuat ?
Concutiant freta Aquilones, evertant robora :
Hanc nullus turbo movebit ;
Ventis PINUS resistit :
Et Cælestibus STANISLAI suspiriis obsecundabit Boreas.
Folium, quod procella rapit, tuetur vites ab æstu :
JESU Vineam plantârunt **DAMBSCII,**
Et projectu munificarum Frondium protegunt ;
Ramos Arboris circinant in orbem,
Ut nos ex omni parte à tempestatibus muniant.
Loquantur ergo singula de pariete saxa,
Fundatricem Præfulei GODZIEMBÆ Stirpem,
Quod se totam in emolumenta illarum exporregerat.
Ad basim misit radices, & excrevit sæculorum opus !
Tota mole illud fulcit, ruinam nè metuat ;
Gemmeum fundit succum, ut inquilinos alat ;
Apud quos, quævis stilla pondus habet :
Se totam ampla Propago in tutamen explicat ;
Ut Fundatrix protegat ARBOR.

Plinius.

Ut DAMBSCIANÆ munificentiae memoria
Nunquam sylvescat.

Malè insepeliuntur oblivioni immortalia beneficia.

Sub Gratiosissima itaque umbra prostrati,

Votum PINUI Fundatoris incidimus :

Ut Nobis, & Patriæ,

Virtus Florentissimam,

Honor Celsissimam,

Religio servet Perennem.

Laus Illustris-
simorum ,
Neo - Sponsi,
ejusque Fra-
tris, ex Patre
atque ex con-
junctione
Familiarum
cum Stirpe
Dambsciana.

HÆc sunt, Illustrissime NEO-SPONSE, Tua, dum Celsissimi Avi Tui pro Religione, & Republica præclarè gesta, quæ spectatorem habent orbem, nisi ad solem cœcutiat; hæc sunt à Te, dum ab Illo, in nos congesta beneficia: qui Fundatorii sanguinis, aut Altum es, aut Gemma ad Coronam Majorum. Adhuc in Patrem, Matremque Celsissimam defige obtutum; ut Te, quantus sis, in imagine, à qua minimè abludis, respicias. Jam quidem in trophæorum, & Honorum Dodona, Jovem Tuum spectâsti Phœbe; nunc in magno Consanguineorum Concilio Deorum confidentem intueberis. Quanquam absque comitatu Numinum Patriæ, nulli spectare licuit Progenitorem Tuum, MARESCHALCUM Curiae Regni, qui Majestati AUGUSTI, ut olim Alexandro Ephestio, adhæserat. Cum verò confœderatæ Reipublicæ Mareschalcum ageret, ut Marte progenitus, nunquam sinè triumphis visus: ducatum præbebant laureæ, sequebantur victoriæ. Scipionem, quem illi Honor ex avita Arbore efformaverat, ubique adeò dexterrimè præferebat; ut sceptris suppare animos gerere videretur. Nihil ausa excelsum For-
tu-

995

tuna, nihil dignitas summum jactare, quod in suæ
fulcra Magnitudinis subjicere non posset. Ne-
que formidandum erat Patriæ, nè Hic aliquando
succumberet, cùm publicam Regni salutem tra-
ctaret; qui maximo etiam oneri pares, post At-
lantem, & Alcidem, humeros suggessisset. Præ-
volavit præcellus Paternus Scipio Magnitudinis
Tuæ molem, ad summa in Republica præmia,
Nate ANTONINE; Tibique, ac Illustrissimo
Fatri Tuo, SIGISMUNDO, designavit Appiam,
quâ sit eundum ad fastigia dignitatum. Ad thro-
num Lechiæ erexit utrumque, ut essetis propin-
qui Regibus. Quid enim Vos hîc divellat Pane-
gyris? quos natura & amor, adamantinô nexu
conjunxit. Paucos habent sæcula Orestes, Py-
ladésque amicos; pauciores Jupiter Castores,
Pollucésque Natos; quibus cor & mens eadem
esset; germana pax, prima hæreditas; neque al-
ter felicem se crederet, absque altero: inter hos
concordes Deos adlegi mereremini, nisi quòd
veritatem factis, non figmentis, comprobetis. Est
tamen inter Vos pulcherrima contentio de glo-
ria, alter alterum excedere nititur æmulatione
Majorum, rectè factorum amplitudine, præcel-
lentissimæ refusione virtutis, pro Principe hau-
sto sanguine; & à tam glorioso certamine victor
uterque redit, & victus: id est: æquè licèt Celsis-
simis animi dotibus, ac numero pares sitis; pares
tamen Vobis non inveniri, vel ipse numerus
subscribit. Duo Illustrissimi Fratres, turba Pa-
trum estis; exercitus Purpuratorum: Atlantes
Familiæ. Decurrite, parelia, Lechiæ zodiacum;
successores Paternæ gloriæ; ex maximis, editi ad
summa. Gemmæ estis ARBORIS avitæ; quæ

sterilefcere nunquam poterit : dum illi irrigan-
 dæ, præter domesticum muricem, ex toto propè
 Polono orbe, Principum Proſapiarum altus ſan-
 guis illabitur. Primus ſe in fronte Celiſſimæ
 SPONSÆ Tuæ repingit, Illuſtriſſime CAPITA-
 NEE, LUBOMIRSCIORUM SRZENIAVA.
 Jam alia ex ordine conſanguinea decora, PO-
 TOCCIORUM Cruces, Zamoyſciorum haſtæ,
 Sapieharum, Dzialyniorum, Kadzidlowſcio-
 rum, Trzebuchowſciorum, Zakrzevſciorum ſa-
 gittæ, nobiliſſima Martis, Honorisque trophæa,
 Arbori DAMBSCIANÆ affiguntur. Cujus ad
 cælos uſque attollunt faſtigia, Kraſinſciorum, &
 Koſtkarum ſoleæ, dum ſe in coronam reſingunt;
 ut pateat, à Divis Majoribus conſanguinitatis li-
 neam ducere DAMBSCIOS; virtutique illo-
 rum affinem Olympum ſtare in meta, & funda-
 menta Familiæ in alto eſſe poſita. Woſciorum
 quoque Roſæ, Flores Purpurarum, in ſerta
 ſe ſinuant, non uno diademate dignæ Domui
 DAMBSCIANÆ. Aureos Arboris fructus,
 GNINSCIORUM Draco, SZCZAVINSCIO-
 RUM, ZAREMBARUMque cuſtodiunt Leo-
 nes. Quid verò eſſet, POTULICCIOS, PRZY-
 IEMSCIOS, LIPSCIOS, KOſCIELSCIOS,
 GARCZYNIOS, ŒLUCCIOS, DABROVSCI-
 OS, BORUCCIOS, PODOSCIOS, WŁO-
 STOVSCIOS, CZAPSCIOS, DZIEWANOV-
 SCIOS, MIECIELSCIOS, & plurima alia colli-
 gata Nomina retexere? niſi orbem Polonum
 hac concludere pagina. Imò clariſſimæ Stirpis
 DAMBSCIANÆ Fama, cum Principe Aquila
 Celiſſimæ Matris Veſtræ RADIVILIÆ, Illu-
 ſtriſſimi ANTONINE, & SIGISMUNDE, ultra
 Re-

Regni limites provolavit, & totâ planè Europâ,
 Gentilitiis percrebuit lituis. Sed an non super-
 vacaneum esset, antiquitatem, splendorésque
 RADIVILIORUM, à JULIANO post PALÆ-
 MONIA sceptrâ, DORSPRUNGO, Magno
 Duce Lithvaniæ, & septem aliis DORSPRUN-
 GIADIS Ducibus, senis deducere sæculis, ad NI-
 COLAUM primum RADIVILIUM Ducem, &
 Principem, Palatinum Vilnensem, & Supremum
 M. D. L. Cancellarium, Antesignanum jam Pala-
 tinorum, & Antistitum Vilnensium, jam Cancel-
 larium, & Ducum Exercituum M. D. L. jam
 Pro-Regum Livoniæ; cùm orbi notum sit, nec
 nominari posse RADIVILIOS, nisi Maximos
 Duces, Regibus suppare. Oculos proinde in-
 tendite, Illustrissimi Capitanei, quo Vos RADI-
 VILIA Matre Progenitos, Principis Aquilæ na-
 tos, jam CATHARINA SOBIESCIAS, jam
 FRANCISKA KORIBUTHIS, WISNIOVIEC-
 CIÆ Mitræ Filia, Regiæ Neptis Coronæ, RADI-
 VILIORUM Serenissimæ Consortes, deducunt?
 ad Affines Sarmatiæ Regni soles. Regum murex cum lacte, &
 sanguine Materno in Vos transfusus. Memorémne adhuc RA-
 DIVILIANO & Vestro splendori Cognatione fœderata-
 rum jubar Familiarum? Ducum CZARTORYSCIORUM,
 SANGUSZKORUM, ZBARASCIORUM, Illustrissimorum
 SIENIAVIORUM, TYSZKIEVICCIORUM, DONHO-
 FIORUM, innumerorúmque cæterorum? omnia deberem pri-
 mæ Magnitudinis sidera decurrere: si Alitem RADIVILI-
 ORUM, Serenitates cognatas circumvolantem sequi in ani-
 mo constituerem. O Fortuna! ô præpotens Domus DAMB-
 SCIANA! Oceano cognati Sanguinis Regii circumfusa,
 Principum vallata exercitu! O par Nobilissimum Fratrum!
 quos Patris PINUS, Matris Aquila efferunt in altum gloriæ.
 Penna Oratoris, excussis plumis, impar volando, ad Plantam
 cadit Fundatoriam, cum Celsitudinis Vestræ encomio.



Est in **LECHIA**
STIRPS ILLUSTRISSIMA,
 Radicem fixit in terra,
 Et sexti sæculi progressu crescit;
 Sidera tangit vertice,
 Et nondum habet crescendi modum.
Omne **ROBUR DODONÆ** *superat,*
Intrà venas continet Deorum sanguinem,
Et Leoninam medullam.
Quoties gemmare videtur,
Ipsa sibi ex auro stamina ducit;
Uniones verò, quos parit,
Inducit pretioso filo Fortuna,
Servat Honor, Coronæ.
Quidquid Jupiter, Mars, Mercurius,
 Manu gestant;
 Præfert:

Complectitur, quidquid excelsum Regna habent.

Ad portum Purpurei Maris protensa :

Societatem Sanguinis iniit cum Celssissimis Alitibus,

Quarum Via,

Omni fastigio terrarum eminentiores :

Ex Alto, ad solem, educunt Natos ;

Et Paternos splendores MATER reddit serenissimos.

Problema est :

Pro Oedipo, Cortinam Apollo pandat.

Ostendat in icone par Nobile Fratrum,

ANTONINUM, & SIGISMUNDUM
Ex DAMBSCIIS, RADIVILIIS, LUBOMIRIIS,
CELSISSIMOS;

Genere, & Consanguinitate Profapiarum,

PROBOS, Duces, & Principes,

DIVOS Reges & Cæsares,

Optimos Patriæ Patres,

Sanctorum piam Propaginem.

PINUS Patris Celssitudine immensa,

AQUILA Matris, Firmamenti Sidus,

Pro securitate Patriæ excubans :

WISNIOVIECCIANÆ LUNÆ Affine,

SOBIESCIO, Lechiæ SOLI, Cognatum ;

Inter tanta nidum locat Astra !

Quò evolutis RADIVILIANÆ Aquilæ NATI?

Non jam ignoro :

Progreßum DAMBSCIANÆ Arboris, in Honorum fundo ;

Viam Navis Cæsarum Fortunæ, in Alto SRZENIAVÆ;

Semitam RADIVILIANÆ Aquilæ, in Cælo Lechiæ ;

Lunæ VISNIOVIECCIÆ Cursum, in Zodiaco Regni ;

DUCUM, PRINCIPUM, REGUM,

Nota sunt itinera.

His, ad omnia summa in REPUBLICA,

Ad Fortunatiores CANARIIS Insulas,

Ad augem, & Plenilunium Fortunæ,

Ad primorum Sarmatiæ Siderum splendores,

Tenditis DAMBSCII.

Etiam immortalitatem Gloriæ transcendite !

R

Hæc

Laus peculia-
ris Illustrissi-
mi Neo-
Sponsi.

In Collegio
Dambsciano
Torunensi
Societatis JE-
SU Studiis
dedit ope-
ram, cum Illu-
strissimo Fra-
tre Sigismun-
do.

HÆc est Honorum & meritorum DAMB-
SCIANORUM sylva, ILLUSTRIS-
SIME CAPITANEE, quam Tuorum quoque magni-
tudine meritorum, quamvis jam satis adau-
ctam adverteris, adhuc tamen Te ipso latius
excrecentem, peculiariter videas; florentissi-
marum virtutum, dignitatisque Tuæ, defixis al-
tissimè radicibus. Primam Nobilissimæ Indolis
Plantam nativo quasi solo, illa vicem gratitudi-
nis redditura Pallas, suis inseruerat Lycæis; cui
Fundatoria priùs DAMBSCIORUM PINUS, se
in vernantissimam explicaverat SCIENTIÆ
ARBOREM; nisi quòd mala non pareret un-
quam, præterquam aurea: & prægrandes, opti-
mósque ad gustum eruditæ Patriæ fructus pro-
ferret. Gloriabatur primo ætatis Tuæ Flori, non
immaturo Sapientiæ, devinctissima Godziem-
barum Stirpi Minerva, non vilem herbam, sed
regale folium, laureásque Sapientum porrigere;
qui jam tunc omni ferto dignius Caput profere-
bas, & quævis de Tuo vertice cogitatio prodi-
bat coronata. Veritatem, non alatâ famâ (cujus
levitatem à moribus Tuis excluseras) aut dissi-
tis à memoria nostra fastis, sed proprio firmamus
experimento; cùm Te, ac Illustrissimum FRA-
TREM Tuum, inter literaria abdita curarum,
publico formari commodo, aut intrà Academi-
cas Umbras, geminos soles, adhuc post Delphi-
ci Numinis siparium, spectare licuit: qui dein-
ceps non Atticas duntaxat noctes in diem verte-
rent, sed Lechicum Orbem, consiliis, meritis, titu-
lisque serenarent. Accessit ad Vestræ Stirpis
gloriam, quòd se æquè in fastigio, ac in planta flo-
ren-

rentem exhibuerit: nec unquam spes solùm maximas crescendi, in ornamenta Reipublicæ promitteret; quin statim Musis doctas frondes, non unam Probitati palmam, laureatos Marti ramos, Senatui fasces, ab ipsa radice porrigeret. Ad sua ergo se antra referant Athenarum noctuæ, ad Torunenſe Lycæum ab altissima Propagine advolârant RADIVILIANÆ Aquilæ Nati, quos suo fovit sinu grata Minerva; quòd ab illis plus lucis & gloriæ traxerit, quàm ab alumno Hercule nobiles Thebæ. Sed cum Vobis, ILLUSTRISSIMI DOMINI, pulchro semper conjungi fœdere ambirent Pallas, & Honor: hic Vos Musis tandem eripere constituit; quasi ignarus, quòd ubique illas docto vertice, quasi Pyrrhi annulò circumferre gestiatis. Hinc, citra assentationis fucum, jam Vos video, Oratorios campos, & laudes; Capitaneos verò Honores, annos comitali præscriptos lege excessisse: adeò erant festini, ut maluerint in illam aliquantùm peccare, quàm in Vos. Ab omni tamen illos culpa favor absolvit Regis Serenissimi; qui DAMBSCIOS novit fuisse ab ipso ortu Illustrissimos; nec minoribus Posterorum annis, quidquam detrahi debere Majorum meritis; quæ vastiùs in Nepotibus excrescunt. Tunc se attingere Cælos Capitanealis Dignitas arbitrabatur, cùm illam ad omnia summa GODZIEMBÆ non unus apex proveheret; exsiliebat gaudiò, quoties in Vestri cultum prosterneretur. Et quia alterius lateri ^{magnet} JUNOVLADISLAVIENSIS Aстреæ ferrum; alteri aureum DYBOVIENSIS Præfecturæ decus, ut Ganges Hydaspî adhæserat; etiam

A studiis reditus Illustrissimorum ad suos Capitaneatus, Junovladislaviensem, & Dyboviensem.

Iter ad exte-
ros.

Pragæ ani-
mum inten-
derunt peri-
tiæ lingua-
rum, & arti-
bus milita-
ribus.

extra Patriam ivit Vobiscum Honor: secutus Principes Aquilas, ad peregrinum solem, & in publicam lucem evolantes; comitatus DAMB-
SCIANUM Nomen, & Patritias, quas per aliena circumferebatis Regna, virtutes. Praga primò gloriosissimam Adolefcentiam Vestram, quasi novam felicitatem suam demirari longiùs anhelans, aliquantùm non invitam detinuit: minimè siquidem pertæsa moram fuerat, ut primum illibatæ Famæ florem, immortalibus Divi NEPO-
MUCENI laureis consecraret; & ab incorrupta Illius lingua, felix sumeret exordium linguarum; nè deinceps interprete uteretur, sed velut apes ab Hymetti flore, ab ejus ore, si rosas funderet, Imperium; si lilia loqueretur, Gallia penderet; & ut vocalior rediret in Patriam, quàm recesserit. Adjecistis, Equites Poloni, Herois GODZIEM-
BÆ genuina propago, linguarum peritiæ, bellicarum virtutum notitiam; nè ullum Vos strata-
gema lateret, quo aut à callido falli hoste, aut illum circumvenire possitis. Qua dexteritate enses stringere? quâ prudentiâ in adversas phalanges cum equitatu invehiri? qua agilitate inter cuneos militares opportunè rotare, cohibere, aut laxare equorum fræna? inter egregias animi Vestri curas reposuistis. Istud est minimè à vera gloria devium ad exteros iter, quo currere posset Mars ad laureas, Hercules ad victorias: infanda declinare otia, non deflectere ad vitia, non impingere in offendicula, insistere recto tramiti; tendere per laboriosos conatus, ad peregrina, sed egregia facinora, & tandem efficere domestica. Hac Vos Appia, Illustrissimi DO-
MI-

MINI, Pragâ Viennam ad Augustissimi CAROLI deduxit Majestatem; & placuit Imperatoriæ Aquilæ, non degeneres RADIVILIANÆ alitis natos, soli suo admovere: Cæsar osculo Vestro præbuit dexteram, cor RADIVILIANÆ Stirpi addictum ostendit AUGUSTISSIMA. Sed irritastis tantum admiratione præcellæ Indolis, non satiastis exteri Orbis amores; ubique relictô Vestri desiderio. Festinastis ab una Serenitate, ad aliam, ex Imperio, in Gallias transvolantes: usque ad Regis, & Reginae conspectum; ut constet, congenitum Vobis esse jubar, nec uspiam alibi versari posse DAMBSCIOS, quam in splendore publico, ad soles Regnorum. Inter Sanguinis Principes, Duces, & Comites Franciæ, affidentium Regiæ mensæ Majestatum, gemini Ephestiones adstitistis, alter Regis, Reginae alter curulibus; ut familiari inter epulas alloquio, Atticis dulciore bellariis, suum gustum, & Vestrum explerent Serenissima Galliarum Numina. O quanta Vos in illa tunc Regia, lux circumfulsit! Hi admiratione defixi stabant, curiosi gloriæ Vestræ scrutatores: illi censebant Pares, aut propinquos Regibus, & Reginae suæ Polono sanguine junctos; singuli ex cultissimo genio, & florentissimis moribus collegerunt, etiam extra Gallias posse nasci Equites Liliatos. Ubi verò

judicium illud formavit Francia, etiam sub Lechico Aquilone, gratias omnes, suavissimis animis, lenes inspirare Zephyros; immenso Hollandiæ Oceano vela dedistis: ut hîc, inter fulgura bellorum natos GODZIEMBIADAS, gemmas esse agnosceret. Ex Hollandia, Angliam

Indè Viennam, tum in Gallias profecti.

Hollandiam & Angliam peragrârunt.

Per Saxoniam
reduces in
Patriam.

adiistis; Londini tamen, more crySTALLI, exteram lucem rejecistis ab animo Catholico; neque fulgore Britannici solii irradiari expetebatis, cui prisca occidit Religio. Reduces tandem excepit Saxonia, celeberrimo Exercituum AUGUSTI II. Regis Poloniarum, pacatôque inter se conflictu; quasi Vestris præluderet victoriis, quibus Bellonâ progenitos, servat Vos Respublica. Læto vultu, regressum Vestrum, planè ut magnorum Siderum ad ortus suos reditum, illustrato extero Orbe, vidit Patria; quæ ut in adventu Vestro propalam lætaretur, gloriæ virtutûmque splendor, quo regna serenâstis, atque insignis rerum peritiâ, quam ex terrarum marisque Provinciis, radio amplissimæ mentis, laudatissimè attraxistis, præstitère. Alii ex lustratis tot Urbibus, solam barbariem; ab extero mari, vitiorum monstra; ab alieno solo, labem, magnis impendiis ad proprios Penates revehunt: quasi aut mitior esset contagio, quia trajectitia; aut pulchrior macula, quia Lutetiis Parisiorum advecta; aut pretiosiora scelera, quia peregrina, succincta, palliata. Vos nihil ex perspectis tot florentissimis Civitatibus, nisi omnem civilitatem, & popularitatem apud Principes; ex peregrina gleba nisi morum culturam; ex Galliis, nisi vitæ candorem, liliis supparem; ex vastissimo Imperio, nisi vastiorem animum reduxistis; & mutato habitu, non immutâstis DAMBSCIANUM amorem erga Rempublicam, reduces, de illa constanter meriti. Peragrato orbe promovistis ultrâ plantam, ad ampliorem rectè factorum gloriam; festinâstis

Ad Regni
Comitia generalia Legati.

stis Grodnam, properâstis Varſaviam, ut magno
 publici commodo, Legatorum munus perage-
 retis. Jam in illo Regni theatro, quanti pro ſa-
 lute omnium ſuſcepti labores? qui in purpura-
 torum Patrum Corona, pro communi felicitate,
 eliquati ſudores? gemmas fronte, & ore profu-
 diſtis; ut in pretio haberentur conſilia, ut in ſuæ
 etiam ætatis flore, non aliter æſtimarentur
 DAMBSCII, quàm Patres Patriæ. Nec poterat
 aliter, quàm in roſas, ſenatorio murici concolo-
 res, Eloquentia Veſtra reſſeſcere; cùm Vos
 ipſi, ut auroræ, primo in ortu, purpurarum
 flore, & Heroo GODZIEMBARUM ſanguine
 rubuiſtis. Hinc Te, Illuſtriſſime ANTONINE,
 quem exteri ſoles, ut pupillam Martis ſuſpexêre,
 Polonia ſuis Heroibus præfecit; ut Patriam con-
 ſilio, & armis munires: & Te ſibi eriperent, So-
 lonem Curules, Scipionem aut Callimachum
 Gradivi. Nolueras à maximis Ducibus, Majo-
 ribus Tuis, vel ad punctum deſlectere, ut illo-
 rum veſtigiis properares ad laureas, quas tem-
 poribus Tuis neceſabant ſæcula. Colat pacem
 Sarmatia, verùm ſi arma obſtreperent, panderet
 Tibi Bellona campum ad victorias, quem hæte-
 nus tardior naſcendi ſors denegârat. Satis inter-
 ea ſit, Te jam propè Lechici Filiæ Tonantis
 nupſiſſe, Celiſſimæ ANNÆ CAROLINÆ: ut
 avito Illius SRZENIAVÆ affluant triumphi.
 O quàm conſultè Vos, feliciffimi Conjuges, ſo-
 ciavit Fortuna, Virtus, & Honor! ut non ſorte,
 casûque, ſed Superùm moderatione, pulchro
 ingentium Familiarum conſenſu, magna virtu-

Illuſtriſſimus
 Neo-Sponſus
 S. R. I. & Rei-
 publicæ
 Rothmagi-
 ſter.

tum Vestrarum concordia, foedus Maritale stetit videatur. Æquale genus, non dissimiles animos, parem gloriam, ad thalamos ducitis; patetque non potuisse melius hunc Maritum nisi huic Conjugi, & hanc Conjugem nisi huic Marito, connubiali nexu adstringi. Tibi, Illustrissime ANTONINE, Martis clava titulos auget; Capitanealis dignitas ad Avorum Patrisque insignia, id est: ad curules & fasces, viam sternit honorariam. Tu verò Celsissima CAROLINA, ultra LUBOMIRIANAS purpuras, in pompa ducis triumphales gloriosissimi Bellatoris, Progenitoris Tui laureas, & immortalia trophæa; ostendisque, Magno Coniuge Te non minorem esse Sponsam. Cum etiam Illustrissime Coniunx videas, è virtute Tibi nupsisse Principem ANNAM CAROLINAM, tantò magis amore dignam aestimas, quòd à meritis Tuis dotes Illius non discrepent; Coniugibus enim nihil optabilius esse potest, quàm ut concordēs animæ in unam mentem coalescant. Alii, dum Epithalamium adornant, primum elogii genus in vultus concinna specie reponunt: diùque desudant, ut persuadeant in formæ elegantiam Charites, in pupillas fidera, in labra Pæsti rosas immigrasse; jam egregiam corporis molem, jam supercilii dignitatem attollunt laudibus; quasi compta à natura facies, imago esset virtutis. Celsissimam CAROLINAM, etsi ipsa venustas ut Junonem effinxerit, & mille gratiæ ANNAM exornaverint; etsi tepor omnis resideat in ore, & frontem gemmeus nitor, Flora genas, Phœbus oculum irradiet; inter hæc tamen munificè profusa naturæ

ræ munera, laus nulla Principis Sponsæ pulchrior, nulla major gloria, quàm quòd elegantem formam venustiores compserint virtutes. An ^{non} digna omnibus theatris, quæ nullo elatæ mentis fluctu impetitur, Celsissimæ MARITÆ demissio? quamvis illam Argo Fortunæ, Ducali alti Sanguinis SRZENIAVA, ad Honores provehit: ità nimirum modesta est, quasi ignoraret se esse Principem; & nollet fronte præferre Majestatem, nisi illam morum comitate leniret. Mirum, quantum de CAROLINA certamen Patritii Muricis, cum illa, quæ vultum depingit, pudicitiae purpura: & licet utriusque radiis inardescat, verecundiâ, & pudore, quibus maximè Gynæcea insigniuntur, illustrior apparet. Prudentiam, animi candorem, cæterasque dotes in comitatu habet: quòd nullum magis deceat optimi Sponsi Principem Sponsam, quàm virtutum famulitium. Æstima Superum favorem Illustrissime ANTONINE, quòd ad vota Tua, id est: Tibi par Patritiis ornamentis, avitisque opibus, par vitæ honestate, & gloria Familiarum, cælitus destinata obvenerit Confors. Applaude sorti Tuæ CAROLINA, quòd ad omnem probitatis normam compositum, quem animò refers, nacta sis Conjugem. O felices SPONSOS! quales semper mansuros credimus; quos non honorum, fortunarumque ambitio junxit, sed mutuus Amor. At quò me Suada abripit? Multa hìc tacebo, nè, quæ in fronte pange-
gyris exarata habes, iterum relegere cogaris: illud dicam; ubi connubiali voto Te adstrinxeras, illico in Paterna CONSORTIS, id est: Ducum, & Principum LUBOMIRIORUM; in Materna Comitum de STARCHAUZEN Domo, clavas, fa-
T ices,

Laus ex Con-
forte Lubo-
miria Princi-
pe.

sces, & sceptrâ; Honorem, & Martem, Tibi fœde-
 râsti. An ego nunc bellica in Legione S. C. M.
 KAYSERSTAIN gesta, laudata à LEOPOLDO
 & JOSEPHO Imperatoribus, facinora; tum ar-
 ma armis Inviçtissimi LUDOVICI XIV. sociata,
 & cum Hispanis prælia; an fufum toties Byftoni-
 um cruorem, Tartaricasq; clades, innumeras pe-
 nè laureas Celfiffimi Progenitoris GEORGII,
 magni re & nomine ALEXANDRI LUBOMI-
 RII, Palatini Sandomiriensis, VELT-MARE-
 SCHALCI Exercituum S. C. M. quafinova & in-
 audita memorem? aut ad calculumne revocem
 omnia, quæ vetuftiffimi Cæfarum, Principumque
 fafti recensent, DRUSORUM coronata Nomina,
 Palatarum Regni Noftri, Caftellanarumq; Pur-
 purarum hæredes, LUBOMIRIOS? Bene Illorū
 meminit canus Orbis; nihil jam Ducum immor-
 tali gloriæ poterit adjici, recentis Suadæ enco-
 mio. Habetis Celfiffimi ANTONINE & CA-
 ROLINA, felicitatem publicam obligatam Vo-
 bis, MALACHOVSCIANA fasciâ, in Palatina
 Pofnaniensi Germana Sorore Celfiffimi Parentis
 Veftri: Orbem Polonum traxiftis in nexum fan-
 guinis; Reges Poloniarum in Joanne III. Duces
 & Principes in WISNIOVIECCIIS, RADIVILI-
 IS, CZATORYISCIIS; prima Regni decora, in
 SAPIEHIS, CORVINIS, TĘCZYNSCIIS, JA-
 BŁONOVIIIS, FIRLEIIS, DANIELOVICIIS,
 & fexcentis aliis. O altiffimam & firmam GODZIEMBÆ
 Arborem, fylvam Honorum, ad Fortunatum SRZENIAVÆ
 portum protenfam, quam Superi novô in dies incremento auge-
 geant! Mirumne, fi illi Capitanealis Tua dignitas, præludens Se-
 natoriæ, Illuftriffime DOMINE, & Mars Lechicus fecurè incum-
 bat? quam Polonus Orbis intuetur florentiffimam, & ut fuam tuen-
 tur Numina DODONAM. Ultimum hoc elogii folium, Stirps
 ILLUSTISSIMA, admitte inferi ramis, perpetuò vernaturis.



77

Insistite marmori, arte Phidiaca clari,
JUPITER, & MINERVA
 Aut Pario lapidi, Praxitelis Dñ:
 Non fidite tamen basi;
 Si creditis? posse pati vulnera,
 Et cavari guttis, saxa.
 Velletis forsan firmare plantam?
In DAMBSCIANAM PINUM immigrate:
 Altè radicata, excedit omne fulcrum.
 Huic innixa **THEMIS**, manet inflexibilis;
MARS incumbens, stat immotus.
 Omnem quantumvis moveant lapidem,
 Regni, & recti animi hostes:
 Non convellent
 Fundatas Stirpe, ac virtute **DAMBSCIANA**,
 Astræ Aras, Gradivique trophæa:

*Victoriosa Arbor, ac mens adamantina,
Argenteas retundet hastas, & saxea tela;
Nisi in Lydios mutantur lapides,
Aurei in Patriam & Leges, Amoris,*
ILLUSTRISSIMI ANTONINI.

*Nulla videlicet vi labefactari valent
Inconcussa equitas* **JUNOVLADISLAVIENSIS
CAPITANEI,**

*Infractus animus Cataphractorum Ducis.
En!*

*Quanta congeffit Honor onera,
In unum* **GODZIEMBIANÆ** *Propaginis Ramum,
Clavas, Enses, & Secures Honorarias:
Ille tamen triumphalis Palmæ naturam traxit;
Armorum, & justo Judiciariæ libræ pondere,
Onustus,*

*Robustiùs invaluit, excrevit celsiùs.
Non hìc aurò superbiat Xerxis Platanus,
Male suæ cavit perennitati:
Enervavit vigorem, luxus: gemmæ, furatæ robur;
Et firmum esse non potuit, quod plantavit socordia.*

*Demittat ergo gemmeas frondes,
Nec umbra est* **DAMBSCIANÆ** *Plantæ!
Hujus prima radix, tempestate præliorum solidata:
Assueta jam turbini ARBOR.*

*Stat sui secura, & quasi æterna;
Incurfantes bellorum procellas exhibilat;
Nec fastigium nutat, quantumvis altissimum?
Profert inter* **MARTIS** *fulgura, & fulmina,
Quot* **DAMBSCIOS,** *tot Regni Uniones:*

*Sed qui frangi, aut dividi nequeant,
Nisi ad redintegrandam Patriam.*

*Applaudente Natalibus Olympo,
Gemmeos procreat fructus,
Fortitudini, & Justitiæ, ad Coronam.
Hinc pondus, pretium, & robur habet*

Domus **DAMBSCIANA,** *Themidis, Honoris, & Martis Regia;
Perennabit:*

Quam tanta Numina incolunt.

O. A. M. D. G.

Je sq nierozdzielne.



B B.

7. xxx. 5

